



640-4514

丁翁上座請大藏及百家書置之武別莊靈山
我微笑塔陵丘府中永為學者不敢許出院內
當山二世鐵牛機譯記



B 64853

廣唯識論俗詮卷第七

天親菩薩造頌

箋

法等菩薩造論

唐

三藏法師玄奘奉詔譯

明

西蜀沙門明昱俗譯

前第三能變中舉頌總答分三一能變本識二相應心所分三一略標六位二廣顯差別分五一徧行別境五卷中竟一善位二根惑位四隨惑位六卷中竟此中第五不定位分三一結前標問已說二十隨煩惱相不定有圓其相云何。

一結前標問竟。下二舉頌總答。

頌曰 不定謂悔眠 幸伺二各一

總頌不定位中四種心所名。一悔二眠三尋四伺。二各二者有二義。一釋名。悔眠爲一。尋伺爲一是爲二。悔與眠是一。尋與伺亦二是爲各一。此言名之二各有二也。一釋義者。謂悔與眠各具善染二義。是爲二各二。至尋與伺亦尔。此言義之二各有二也。○二舉頌總答竟。下三解釋頌意分一二正釋頌意。

論曰。悔眠尋伺於善染等皆不定故。非如觸等定徧心故。非如欲等定徧地故。立不定名。悔謂惡作。惡所作業追悔爲性障。止爲業。此卽於果假立因名。先惡所作業後方追悔。故悔先不作亦惡作攝。如追悔言我先不作。如是事業是我惡作。眠謂睡眠。令身不自在。昧略爲性障。觀爲業。謂睡眠位身不自在心極閒劣。一門轉故。昧簡在定。略別寤時。令顯睡眠非無體用。有無心位假立此名。如餘益繹心相應故。

論曰下。釋初句頌中不定位名。非如下引定位顯不定。謂觸等定徧心。欲等定徧地。此不如彼。故名不定。悔謂惡作。下釋悔心所體性業用。以悔多掉

舉故能障止間既名爲悔何又名惡作答此卽於
果假立因名又言先惡後悔者惡憎惡也謂悔是
果惡作是因故可假立先惡所作業者作不善業
也以不善業憎惡起故悔先不作者不作善業也
以不作善故追悔言我先不作如是善業是惡我
先不曾作故眠謂睡眠下釋眠心所體性業用性
既昧略故能障觀謂睡眠位身不自在者釋不自
在及昧略義一門轉者是意識闇劣門顯五識不
行故昧簡在定者定心一境略而不昧此顯睡眠
性闇昧故略別寤時者寤時廣緣不得稱略此顯

睡眠性是忽略故云令顯睡眠非無體用有無心
位假立此名者謂他處云無心位睡眠者乃是假
立其名非實有體以顯此中睡眠必有體故如餘
益纏心相應故者蓋有五益瑜伽二十四卷云益
謂貪欲益及與瞋恚益惛沉睡眠益掉舉惡作益
第五是疑惑益纏有八纏十纏俱舍云纏八無慚愧
嫉慳并悔眠及掉舉惛沉或十加忿覆
有義此二唯惛爲體說隨煩惱及惛分故有義不然
亦通善故應說此二染惛爲體淨卽無惛論依染分
說隨煩惱及惛分攝有義此說亦不應理無記非惛

80 1 2 3 4 5 6 7 8 9 100 1 2 3 4 5 6 7 8 9

無癡性故應說惡作思慧爲體明了思擇所作業故
睡眠合用思想爲體思想種種夢境相故論俱說爲
世俗有故彼染汙者是癡等流如不信等說爲癡分
有義彼說理亦不然非思慧想纏彼性故應說此二
各別有體與餘心所行相別故隨癡相說名世俗有
有義此二唯癡爲體者未正謂悔與眠唯是染分
及無體故有義謂癡及無癡爲體者亦偏雖通善
染執無體故有義思慧爲體者猶未正雖說悔眠
是無記性不同前師說癡無癡二性所攝然說惡
作思慧爲體又說睡眠思想爲體俱非理故復引

有是煩惱隨煩惱性此二各有不善無記或復各有
纏及隨眠有義彼釋亦不應理不定四後有此言故
應言二者顯二種一二謂悔眠一二謂尋伺此二三種
種類各別故一二言顯一二種此各有二謂染不染
非如善染各唯一故或唯簡染故說此言有亦說爲
隨煩惱故爲顯不定義說一二二言故置此言深爲
有用

此中三義釋二各二唯後義爲正一義唯說尋伺
各有染淨者未善盡理故二義質云悔眠亦有染
淨二故應說下立義亦偏謂如煩惱及隨煩惱名

之爲二各有不善及無記性名爲各二或復各有
纏及隨眠亦名各二彼謂纏是煩惱現行隨眠是
種有義彼釋亦不應理者正義破前不定四後有
此言故者謂悔眠尋伺俱通二各二言應知皆具
染淨二義應言下自釋正義謂後二言顯前二中
各二種義一謂悔眠二謂尋伺是前二種此前二
種亦各有二一悔二眠一尋二伺此後二種種類
各別復自結云故一二言顯二二種謂一悔眠言
一尋伺言顯此前二各有後二已上釋名此各有
二下釋義謂後二言各有二種謂染不染卽此惡
作通善通染眠與尋伺亦善染故非如信等唯是
善故非如貪等唯是染故故二各二通染不染或
唯簡染故說此言爲二各二何唯簡染答有說此
爲隨煩惱故故此簡之故置此言深爲有用者釋
名釋義簡善簡染唯此言故○一正釋頌意竟下
二分屬諸門有十二章

四中尋伺定是假有思慧合成聖所說故悔眠有義
亦是假有瑜伽說爲世俗有故有義此二是實物有
唯後二種說假有故世俗有言隨他相說非顯前二
定是假有又如內種體雖是實而論亦說世俗有故

一假實門尋伺假有此是正義悔眠假有此義未正謂悔與眠體是實有。唯說尋伺是假有故論說世俗是依他處。如說內種爲世俗有。豈內種子體非實耶。

四中尋伺定不相應體類是同麤細異故。依於尋伺有染離染立三地別。不依彼種現起有無故無雜亂俱與前二容互相應。前二亦有互相應義。

二相應門謂尋與伺不相應者以彼行相麤細有異故不俱生而說無尋。唯有伺者名第二地。謂九地中依於尋伺有染無染立爲三地。不依尋伺種

子現起尋伺現行或有或無立三地別。若依現行有無立三地者成大雜亂。瑜伽釋云未離欲者由作意力亦無尋伺。已離欲者或初生彼或出彼定亦有尋伺。故不依種起現唯依有染無染意取麤染細染至於無染立三地別。俱字卽尋伺一心所也。與前悔眠容互相應。悔眠亦有互相應義。

四皆不與第七八俱義如前說悔眠唯與第六識俱非五法故。有義尋伺亦五識俱論說五識有尋伺故又說尋伺卽七分別。謂有相等雜集復言住運分別謂五識故有義尋伺。唯意識俱論說尋求伺察等法。

皆是意識不共法故。又說尋伺以名身等義爲所緣。非五識身以名身等義爲境故。然說五識有尋伺者。顯多由彼起。非說彼相應雜集所言任運分別謂五識者。彼與瑜伽說分別義各有異。彼說任運即是五識。瑜伽說此是五識俱分別意識相應尋伺。故彼所引爲證不成。由此五識定無尋伺。

三八識門四皆不與第七八俱者。謂惡作追悔先業。而第七任運恒緣現境。非先業故。故無惡作。睡眠必依身心重昧外衆緣力。而第七識一類內執不假外緣。故無睡眠尋伺俱依外門而轉。第七一

類執我故無尋伺。又此四法無記性者。有間斷故。皆與第八不相應也。悔眠唯六。非五法者。謂悔與眠。唯第六俱。非是前五相應法故。有義尋伺亦五識俱未正七分別者。謂有相分別。無相分別。任運分別。尋求分別。染汙分別。不染汙分別。伺察分別。有義尋伺唯意識俱。正理論說尋伺元是意識。不然說下。釋前師所引論義。謂此尋伺由五識起。非共法故。又說下復以所緣辯尋伺。不與五識相應。意明了門故。集論說七分別中。任運分別即是五

識瑜伽說此是五識俱起分別意識相應之尋伺。故各有異。今以集論是依瑜伽中集出論主但依瑜伽不依集論故彼下結破前義。

又說尋伺憂喜相應。曾不說與苦樂俱故捨受遍故可不得說。何緣不說與苦樂俱。雖初靜慮有意地樂而不離喜總說喜名。雖純苦處有意地苦而似憂故總說爲憂。有義惡作憂捨相應。唯感行轉通無記故睡眠喜憂捨受俱起行通歡感中庸轉故尋伺憂喜捨樂相應初靜慮中意樂俱故有義此四亦苦受俱純苦趣中意苦俱故。

四五受門。又說下六十四字南北藏錯安前章不共法故下今從義改正又說者前章引瑜伽說也。何緣下問也。荅云雖有苦樂似憂喜故總名憂喜。不說苦樂有義下謂惡作感行通憂無記通捨故二受俱。又說睡眠歡時喜受感時憂受中庸捨受故三受俱。又說尋伺四俱除苦初禪天中意有樂故已上二義都未盡理。唯第三義方正前義尋伺無苦樂受。第二義中尋伺增樂此中苦受四心所俱。觀此論文唯有惡作無喜樂受。彼悔惱時喜不生故樂亦應無餘三心所。五受皆俱於睡眠時亦

有樂故瑜伽五卷云。那洛迦尋伺。唯是感行觸。非愛境引發於苦與憂相應。常求脫苦。娆心業轉。如那洛迦尋伺一向受苦之餓鬼尋伺亦尔。乃至傍生人趣大力餓鬼所有尋伺。多分憂苦。少分喜樂。欲界諸天所有尋伺。多分喜樂。少分憂苦。初禪天中所有尋伺。一向喜樂無憂苦故。此證尋伺通苦樂受。

四皆容與五別境俱。行相所緣不相違故。

五別境門。行相者能緣心所也。所緣者所樂決定。曾習所觀四境也不相違者。欲等悔等俱善染故。

悔眠但與十善容俱。此唯在欲無輕安故。尋伺容與十一善俱。初靜慮中輕安俱故。

六善品門。悔眠唯欲界欲界無輕安故。云十善俱尋伺到初禪許輕安俱故。說容十一悔但容與無明相應。此行相麤貪等細故。睡眠尋伺十煩惱俱。此彼展轉不相違故。

七煩惱門。悔唯癡俱性迷闇故。此麤貪等細理不相應故。餘三與十展轉不違者。十煩惱中俱通昧略麤細轉故。三心所中亦有俱生分別義故。悔與中大隨惑容俱。非忿等十各爲主故。睡眠尋伺

二十容俱眠等位中皆起彼故。

八隨惑門惡作容與中大隨俱悔通不善諸染心故。非忿等十者惡作追悔時不隨他忿等各別爲王故睡眠尋伺二十俱者睡眠與尋伺容起染性故。小中大隨俱有昧略淺深推故。

此四皆通善等三性於無記業亦追悔故有義初二。唯生得善行相麤鄙及昧略故後二亦通加行善攝聞所成等有尋伺故有義初二亦加行善聞思位中有悔眠故後三皆通染淨無記惡作唯染解麤猛故四無記中悔唯中二行相麤猛非定果故眠除第四。

非定引生異熟生心亦得眠故尋伺除初彼解微劣不能尋察名等義故。

九三性門問悔先所作善業惡業唯得通二悔何通三答於四無記亦追悔故前通根隨是不善性故此唯辯善與無記通善性者初二唯生等雜集論云何等生得善謂卽彼諸善法由先串習故感得如是報由此自性節於是處不由思惟任運樂住何等加行善謂依止親近善丈夫故聽聞正法如理作意修習淨善生得善卽俱生善也加行善卽分別起善謂悔與眠麤鄙昧略是俱生義名生

得善後二尋伺亦通者謂通生得及加行故聞所成等是分別義名加行善有義初二亦通加行善正理二種無記後三俱者有染淨故惡作驟猛無淨義故染淨者有覆無覆二無記也四無記者一異熟二威儀三工巧四變化悔唯中二者威儀工巧也非定果者簡前後故變化卽定異熟卽果異熟生心卽前六識間眠何除第四答云非定引生心亦得睡眠故尋伺除初者無異熟故謂異熟心行解微劣不能尋伺名句文等

惡作睡眠唯欲界有尋伺在欲及初靜慮餘界地法

皆妙靜故悔眠生上必不現起尋伺上下亦起下上
下上尋伺能緣上下有義悔眠不能緣上行相驟近
極昧略故有義此二亦緣上境有邪見者悔修定故
夢能普緣所更事故

十三界門四於九地唯初二地上七妙靜故不相
通悔眠下釋上下生起義尋伺上下相緣者正理
悔眠不緣上者未正正義云悔修定者是悔緣上
也夢所更事是眠緣上也

悔非無學離欲捨故睡眠尋伺皆通三種求解脫者
有爲善法皆名學故學究竟者有爲善法皆無學故

十一二學門。悔唯欲界無學離欲故不相應求解脫者有學人也。學究竟者無學人也。眠及尋伺俱有生滅故名有爲。通學無學故名善法。又異生無記法學者無記法無學者無記法并無爲法是非學非無學法。睡眠尋伺一一皆通。

悔眠唯通見修所斷亦邪見等勢力起故非無漏道親所引生故亦非如憂深求解脫故若已斷故名非所斷則無學眠非所斷攝尋伺雖非真無漏道而能引彼從彼引生故通見修非所斷攝有義尋伺非所斷者於五法中唯分別攝瑜伽說彼是分別故有義

此二亦正智攝說正思惟是無漏故彼能令心尋求等故又說彼是言說因故未究竟位於藥病等未能徧知後得智中爲他說法必假尋伺非如佛地無功用說故此二種亦通無漏雖說尋伺必是分別而不定說唯屬第三後得正智中亦有分別故餘門准上如理應思。

十二三斷門。悔眠唯通見修所斷者以邪見等通見修斷由彼引生故亦通之。問悔眠何不名非所斷。答云悔眠若是無漏親所引生亦如憂根深求解脫是非所斷今既不然非非所斷以無漏道及

80 1 2 3 4 5 6 7 8 9 100 1 2 3 4 5 6 7 8 9

解脫道非所斷故。若謂見道已斷分別於修道中已斷俱生執無學眠名非所斷然無學眠見修斷故問尋伺非無漏何通見修及非所斷答云尋伺非無漏能引生無漏尋伺不自生從無漏引生故取通非所斷有義下言五法者一相二名三分別或妄四正智五如如既名分別顯非無漏意在不許非所斷攝有義正理謂此尋伺於五法中不唯分別亦通正智故正思惟及言說因後得智攝未究竟者菩薩位中也藥即言說病即二障菩薩於此未能徧知於說法時必假尋伺非如佛地無功用

說故此尋伺通無漏道是正智攝雖說下牒釋前師引證義謂論雖說必是分別而不定說唯屬第三顯此尋伺攝屬第三名爲妄想攝屬第四亦名正智何執唯第二而無正智義○二分屬諸門竟通上相應心所下第二廣顯差別竟下三問答顯理

如是六位諸心所法爲離心體有別自性爲卽是心分位差別設余何失二俱有過若離心體有別自性如何聖教說唯有識又如何說心遠獨行染淨由心士夫六界莊嚴論說復云何通如彼頌言許心似二

現。如是似貪等。或似於信等。無別染善法。

此中問答。先辯心所有無方顯唯識正理。若離心體下釋離心有過。謂若別有心所論。何說唯有識。又如何說心遠獨行遊歷六塵名心遠行無別心所名心獨行。又說染淨由心無心所故。又說士夫名爲作者。喻心能作無心所故。四大空識名爲六界三大名色。風空名動識名爲心。說色動心三爲最勝。能成有情。不說心所莊嚴論說似二現者見相二分也。似貪等者染心所也。似信等者善心所也。雖說二分及善染所皆似假現無別實體。故云

無別染善法

若即是心分位差別。如何聖教說心相應。他性相應。非自性故。又如何說心與心所俱時而起。如日與光。瑜伽論說復云。何通。彼說心所非即心故。如彼頌言。五種性不成。分位差過失。因緣無別故。與聖教相違。釋卽心有過。若即是心。何聖又說與心相應。說相應者必他性故。心與心所如日與光亦別性故。瑜伽論說五種性者。卽五蘊也。若即是心。則五蘊中受想二位不成差別。是有過失。以彼受想卽心所故。心王是因心所是緣。若即是心。故說因緣無有

差別俱與聖教所說相違。

應說離心有別自性。以心勝故說唯識等。心所依心勢力生故。說似彼現非彼卽心。又識心言亦攝心所。恒相應故。唯識等言及現似彼皆無有失。此依世俗若依勝義心所與心非離非卽。諸識相望應知亦然。是謂大乘真俗妙理。

前是遮詞。此是顯理。理應離心別有自性。以心勝故。釋前遮詞。非彼卽心釋莊嚴頌。又識心言下。結顯真俗正義。若世俗諦心王心所相見分等。各有體性。故諸聖教說識說心必攝。心所是相應義。故

前所引唯識等言及現似彼皆無有失。若勝義諦心言路絕戲論遠離。故心與心所非離非卽。識與諸識亦非卽離。大乘真俗妙理如是。○三問答顯理竟通上二相應心所竟下三現起分位分三。一結前標問。

已說六識心所相應云何。應知現起分位。

一結前標問竟下二舉頌總答。

頌曰 依止根本識 五識隨緣現 或俱或不俱
如濤波依水 意識常現起 除生無想天
及無心二定 睡眠與悶絕

800 1 2 3 4 5 6 7 8 9 1000 1 2 3 4 5 6 7 8 9

八句頌有三門。初句六識共依門以六轉識俱依第八根本識故。次三句五識俱轉門以前五識種類同故。後四句意識有無門。唯除五處常現起故無想以下名五處故。○二舉頌總答竟下二解釋頌意分三。一正釋頌意分二。二釋前四句。

論曰根本識者阿陀那識染淨諸識生根本故。依止者謂前六轉識以根本識爲共親依五識者謂前五轉識種類相似故總說之。隨緣現言顯非常起緣謂作意根境等緣謂五識身內依本識外隨作意五根境等衆緣和合方得現前由此或俱或不俱起外緣

合者有頓漸故如水濤波隨緣多少此等法喻廣說如經由五轉識行相麤動所藉衆緣時多不具故起時少不起時多第六意識雖亦麤動而所藉緣無時不具由違緣故有時不起第七八識行相微細所藉衆緣一切時有故無緣礙令總不行。

論曰下釋初句阿陀那云執持能持染淨諸法故名根本轉識以根本識爲共親依故名依止共卽六識親卽種子依卽根本五識者下釋第二句謂前五識同依相分爲五色根同緣外色爲五塵境故云種類相似隨緣現言以五取境有合有離故

80 1 2 3 4 5 6 7 8 9 100 1 2 3 4 5 6 7 8 9

所依緣有多有少。所以頌云。眼識九緣生。耳識唯從八。鼻舌身三七。謂作意下。釋衆緣名。卽作意緣。根緣。境緣。空緣。明緣。根本依。染淨依。分別依。種子依。眼識具此九緣。耳識除明唯八。鼻舌身三除空明緣故。唯有七。由衆緣合五識方現。由此下。釋第三四句。顯非常起。謂由此緣有頓有漸。故前五識有俱不俱。如水濤波喻。隨緣現廣說如經者。卽解深密經云。廣慧如大暴流水。若有一浪生緣現前。唯一浪轉。乃至若多浪生緣現前。有多浪轉。諸識亦尔。由五下總牒八識。互相例明。引後三識無緣此隨緣現。

爲礙以顯五識緣礙間斷。○一釋前四句竟。下二釋後四句分三。一意識常起。

又五識身不能思慮。唯外門轉起。藉多緣故。斷時多。現行時少。第六意識自能思慮。內外門轉。不藉多緣。唯除五位。當能現起。故斷時少。現起時多。由斯不說此隨緣現。

先牒前五例。明第六常起。謂前五識起。藉多緣斷多現少。而第六識斷少現多。謂第六識內隨第七執我外與前五同緣。故名內外門轉。除空明緣染淨分別。染淨卽根緣。分別卽本身。唯五緣生故云。

80 1 2 3 4 5 6 7 8 9 100 1 2 3 4 5 6 7 8 9

不藉多緣唯除下顯現起多不同前五故此不說隨緣現言。一意識常起竟下二五位不行分三一釋無想天。

五位者何生無想等無想天者謂修彼定厭麤想力生彼天中違不恒行心及心所想滅爲首名無想天故六轉識於彼皆斷有義彼天常無六識聖教說彼無轉識故說彼唯有有色支故又說彼爲無心地故有義彼天將命終位要起轉識然後命終彼必起下潤生愛故瑜伽論說後想生已是諸有情從彼沒故然說彼無轉識等者依長時說非謂全無有義生時亦有轉識彼中有必起潤生煩惱故如餘本有初必有轉識故。

問答總標五位也無想等者等於二無心定睡眠悶絕無想天下釋立無想天名不恒行者前六識也以有間斷故以能取相妄立名言說名麤想故修定者得生彼天諸想皆滅名無想天有義彼天常無六識者理未盡唯說中間長無六識不說兩頭有識無六識者名無心地唯存色身名有色支有義唯說命終有識者理亦未盡以彼唯說滅時有心謂彼天中轉識滅時爲正果報果報盡時轉

識現起必起下地潤生煩惱然後命終。瑜伽下引證然說下釋前師所引教意有義生時亦有轉識者理方究竟謂彼兩頭俱有轉識中間長時方名無想彼中有者謂彼天人天報盡時現中有身而潤生故餘本有者現在身也。以喻初生必有轉識瑜伽論說若生於彼唯入不起其想若生從彼沒故彼本有初若無轉識如何名入先有後無乃名入故決擇分言所有生得心心所滅名無想故此言意顯彼本有初有異熟生轉識發起宿因緣力後不復生由斯引起異熟無記分位差別說名無想如善引生能感彼天異因果故。

二定名善不亦轉識一切不行如何可言唯生得滅故彼初位轉識發起彼天唯在第四靜慮下想麤動難可斷故上無無想異熟處故卽能引發無想定思能感彼天異因果故。

瑜伽下引證兩頭有識彼本有下論王推明論意牒破前失決擇下復引論證初生有心此言意顯下釋上論意謂彼天中初生本有天報身時必有異熟識上生的前六轉識發起由先修定宿因緣力後不復生由不生故引起異熟無記分位差別說名無想以無想名因異熟識及六轉識諸心所

等分位差別顯此名故。善心心所引生二定。定亦名善。不尔者翻上義謂上初生無轉識如何決擇。分說心心所唯生得滅故。彼初位轉識發起。彼天唯在第四靜慮者下四地中。想麤難斷。上四空天無色支故。以異熟處必有色支。問何能感果。答卽能引發無想定思。以思卽業故能感果。○一釋無想天竟下二釋二無心定。

及無心二定者。謂無想滅盡定俱無六識故名無心。無想定者。謂有異生伏遍淨貪未伏上染。由出離想。作意爲先。令不恒行。心心所滅想滅爲首。立無想名。

令身安和故亦名定。

標釋二定總名無心文中別釋無想定下釋無想定謂修此定必生彼天。彼無想天在遍淨天上第四建中。故伏下貪未伏上染。由彼作意求證涅槃。故名出離。不恒行者前六識也。滅六想心身得安和名無想定。

修習此定品別有三下品修者現法必退。不能速疾還引現前後生彼天。不甚光淨形色廣大。定當中天。中品修者現不必退。設退速疾還引現前後生彼天。雖甚光淨形色廣大。而不最極。雖有中天而不決定。

上品修者現必不退後生彼天最極光淨形色廣大必無中夭窮漏壽量後方殞沒。

集論說三品修者謂於諸定入住出相未能了達是下品雖已了達未善串習是中品既了達已復善串習是上品下品修者現法必退卽定法不專注也以未了達入住出相其定必退不速現前修定如此後生彼天光不甚淨形色不甚廣大壽不滿五百劫中品上品修義同前

此定唯屬第四靜慮又唯是善彼所引故下上地無由前說故四業通三除順現受有義此定唯欲界起

由諸外道說力起故人中慧解極猛利故有義欲界先修習已後生色界能引現前除無想天至究竟故此由厭想欣彼果入故唯有漏非聖所起

釋定所屬界地及業謂修此定於色界中唯第四地善心所引定亦名善於四業中通前三業四業者流轉門中有三業謂善業不善業無記業還減門中有一業謂無漏業無想非無漏故通前三業除順現受者謂業果有一順現受卽現修因現受果也二順生受卽今修無想定當來生無想天是順生受故云除順現受前義釋定初起無想作

80 1 2 3 4 5 6 7 8 9 100 1 2 3 4 5 6 7 8 9

涅槃乃外道所說。此定亦名善唯人中能修。後義釋修定界地除無想天至究竟者修定在因。彼天是果上天未伏故總除之色界餘天容起此定。由此下結顯凡定簡非聖者。

減盡定者謂有無學或有學聖已伏或離無所有貪上貪不定由止息想作意爲先令不恒行恒行染汙心心所滅立減盡名令身安和故亦名定。由偏厭受想亦名減彼定。

釋減盡定無所有貪者無色界中第三定也。卽九地中第八地思彼地思惑無學遠離有學已伏。上

貪不定者有學出定還起現行由彼作意唯在減想故名止息不恒同前恒行染汙卽第七識六七俱滅身得安和名減盡定由偏厭受想亦名減彼定者釋成別名減受想定。

修習此定品別有三下品修者現法必退不能速疾還引現前中品修者現不必退設退速疾還引現前上品修者畢竟不退此定初修必依有頂遊觀無漏爲加行入次第定中最居後故雖屬有頂而無漏攝若修此定已得自在餘地心後亦得現前雖屬道諦而是非學非無學攝似涅槃故。

80 1 2 3 4 5 6 7 8 9 100 1 2 3 4 5 6 7 8 9

三品別義亦同上釋。顯揚論云從第四靜慮已上離色貪故無方處差別。雖有修習下中上因然不建立生果差別。此定初修謂色界頂有五不還天是無漏道。依彼天中遊觀加行方入此定。四禪四空名爲次第。此定必依非想定起故居最後合爲九種。設問云餘地心中何無此定。故此答云初修此定未得自在必依有頂若得自在餘地心後亦得現前問既名無漏已證滅否答云雖屬道諦而是非學非無學攝似涅槃故謂入此定已超有學故名非學。未證涅槃名非無學似涅槃者涅槃道也。以未證故若真涅槃卽名無學。

此定初起唯在人中佛及弟子說力起故人中慧解極猛利故後上二界亦得現前鄖陀夷經是此誠證無色亦名意成天故於藏識教未信受者若生無色不起此定恐無色心成斷滅故已信生彼亦得現前知有藏識不斷滅故要斷三界見所斷惑方起此定異生不能伏滅有頂心心所故此定微妙要證二空隨應後得所引發故。

謂此定起唯在人道中者佛及弟子說法之力起此定故人中慧解猛利解修於人中修已後上二

界亦得現前。鄖陀夷經誠證此說。問無色界中既無色相。將何爲定。又入定者是何等人。答云無色亦名意成天者。答以意成身能爲此定。藏識教者唯識教也。若悟唯識於無色界得起此定。此答能入此定人也。設有問云。若信藏識得起此定。今異生類間藏識教決信無疑。起此定否。答云要斷三界等。謂此聖定非凡夫能起。必得斷惑證空方能引發。

有義下八地修所斷惑中要全斷。欲餘伏惑斷。然後方能初起此定。欲界惑種一性繁雜障定強故。唯說強故。彼隨所應生上五地皆得後起。

通釋此定位次。謂除非想地下八地修所斷惑中。要全斷欲界餘所伏惑盡。然後方能初起此定。何以故。欲界惑種不善有覆。一性繁雜障定強故。唯說五不還天能起此定。三乘下明無學不同有學。唯在不還無學聲聞及諸菩薩但除欲界上八地中。隨生後起。有義要斷下之四地者。前義據能斷。

人此義據所斷惑雖各據一端俱不違理前說斷欲九品惑盡節證那含名雖超上地惑由次第斷待下三禪惑已斷盡方起此定故無伏下退生上失以那含果斷欲證故說唯斷欲初起此定此據斷惑說下四地惑障斷盡初起此定上五地中隨生後起變異受者欲界下三禪苦樂受也故二所說語勢似別意味原同

若伏下惑能起此定後不斷退生上地者豈生上已却斷下惑斷亦無失如生上者斷下末那俱生惑故然不還者對治力強正潤生位不起煩惱但由惑種

潤上地生雖所伏惑有退不退而無伏下生上地義故無生上却斷下失

此是難詞謂若伏下三禪修惑已離喜樂退生上地已得清淨豈斷下惑重起喜樂耶斷亦無失下據三乘人縱答第十卷云第七識俱煩惱障種三乘將得無學果時一剎那中三界頓斷豈非生上却斷下耶然不還下據三果人實答謂第三果人觀力強勝於潤生時煩惱亦不起現行唯有種子助業潤生豈伏下地不卻斷耶雖所下釋不還者無前難失

若諸菩薩先二乘位已得滅定後迴心者一切位中能起此定若不尅者或有乃至七地滿心方能永伏一切煩惱雖未永斷欲界修惑而如已斷能起此定論說已入遠地菩薩方能現起滅盡定故有從初地卽能永伏一切煩惱如阿羅漢彼十地中皆起此定經說菩薩前六地中亦能現起滅盡定故

若諸菩薩下釋二乘迴心者一切位中皆起此定上明已斷惑者下明伏惑不斷者若不尅下釋漸伏煩惱漸登地者不同聲聞直超八地故云不尅雖未下謂惑未斷亦起此定論說下謂永伏惑方

起此定遠地卽第七地前說退生上地却斷下惑者亦有之有從初地下釋頃伏煩惱漸登地者初地起定經說下引證十地皆起此定○一二無心定竟下三睡眠悶絕

無心睡眠與悶絕者謂有極重睡眠悶絕令前六識皆不現行疲極等緣所引身位違前六識故名極重睡眠此睡眠時雖無彼體而由彼似彼故假說彼名風熱等緣所引身位亦違六識故名極重悶絕或此俱是觸處少分除斯五位意識恒起

總釋此二亦名無心者俱無六識疲極等緣釋睡

眠位謂有極重疲勞等緣引於身位諸門交合則
違六識現行不起故名睡眠此睡眠時雖無睡眠
之體而由彼似彼故假說彼名言似彼者似不定
位中睡眠也以彼有體顯此假立風熱等緣釋閼
絕位謂由所感風熱等緣亦引身位諸門交合亦
違六識現行不起故名閼絕或此俱是觸處少分
者謂疲極風熱於十二處俱是觸處彼與身根共
爲緣引生睡眠閼絕一分是身故云少分除斯五
位意識恒起者通結無想等位意識不行餘位恒
起

正死生時亦無意識何故但說五位不行有義死生
及與言顯彼說非理所以者何但說六時名無心故
謂前五位及無餘依應說死生即閼絕攝彼是最極
閼絕位故說及與言顯五無雜此顯六識斷已後時
依本識中自種還起由此不說入無餘依

正死生下問也答義未正謂死生時別是一位頌
中及與言顯頌云及無心二定睡眠與閼絕論主
云但說六時名無心故言但說者唯說六時若及
與言攝正死生應說七時六時者卽前五位及無
餘依應說下答前問意說及與下釋顯五位無雜

謂此五位俱是六識斷已還起。若無餘依無復起
義故唯顯五不說六名。○二五位不行竟下三位
通凡聖。

此五位中異生有四除在滅定聖唯後三於中如來
自在菩薩唯得存一無睡悶故。

此以五位分屬凡聖異生有四者滅定聖所起故
聖唯後三者無想定報屬凡夫故於中如來自在
菩薩唯得存一者比前聖位無有睡眠及悶絕故
○三位通凡聖竟通上一正釋頌意竟下二通識
俱轉

是故八識一切有情心與末那二恒俱轉若起第六
則三俱轉餘隨緣合起一至五則四俱轉乃至八俱
是謂略說識俱轉義

言是故者牒前依止根本識五識隨緣現意識常
現起卽顯七八三識常相續義故總釋之心卽第
八末那第七二無間斷故恒俱轉第六前五俱起
增數乃至八俱○二通識俱轉竟下三問答顯理
若一有情多識俱轉如何說彼是一有情若立有情
依識多少汝無心位應非有情又他分心現在前位
如何可說自分有情然立有情依命根數或異熟識

俱不違理。彼俱恒時。唯有一故。

若一下問也。彼以一識爲一有情故。發此問。若立下論。主牒執難破。若謂識多名。有情多。少者應無心時。即非有情。又他心現前可名。自有情。汝以有一識。立一有情故。然立下釋。立有情正義。命根第八識之種子也。異熟第八識之現行也。名雖有種。現其體原無二。立爲有情。俱不違理。

一身唯一等無間緣。如何俱時有多識轉。旣許此一引多心所寧。不許此能引多心。又誰定言此緣唯一。說多識俱者。許此緣多故。又欲一時取多境者。多境

現前寧不煩取諸根境等和合力齊識。前後生不應理。故又心所性雖無差別。而類別者許多。俱生寧不許心異類俱起。又如浪像依一起多故。依一心多識俱轉。又若不許意與五俱取。彼所緣應不明了。如散意識緣久滅故。

外人以一緣唯生一識爲難。論王展轉縱奪以理推明。旣許下論主縱答。謂諸心所等無間緣。依自識說。卽如意識等無間緣。引生後念緣善境時。相應善等。十一心所齊起。故說引多心所寧不能引多心。又誰下。奪破執一。又欲下。推明。謂若不許多。

識俱起則彼多境現前寧不煩取若謂境雖齊現
識前後生無俱起義故復破云諸根境等和合力
齊識前後生不應理故又心所下以心所例明識
俱起義又如浪像者喻明識俱轉也又若下復以
同時意識證破若無意識同緣五塵取彼五塵應
不明了以前五識無分別故若許意識能緣五塵
而不俱起故復難云如散意識緣久已滅獨影境
故豈得明了

如何五俱唯一意識於色等境取一或多如眼等識
各於自境取一或多此亦何失相見俱有種種相故

何故諸識同類不俱於自所緣若可了者一已能了
餘無用故若余五識已了自境何用俱起意識了爲
五俱意識助五令起非專爲了五識所緣又於彼所
緣能明了取異於眼等識故非無用由此聖教說彼
意識名有分別五識不众多識俱轉何不相應非同
境故設同境者彼此所依體數異故如五根識互不
相應

如何下外人難謂一意識何取五塵多境如眼等
下論王釋且如眼識緣色法時或緣一色或緣多
色故一意識緣多種境亦無過失相見俱有下外

80 1 2 3 4 5 6 7 8 9 100 1 2 3 4 5 6 7 8 9

人問謂相有種種。一識能取見有種種何不同來
共取一境謂一識能取多境。一境應供多識於自
所緣下論王答謂見雖種種各有所緣於自識所
緣唯一識能了餘識無用故若尔下外人難五俱
意識下論王釋意識是五識生起之緣助五令起
意識明了取境異眼等識聖說意有分別五識不
尔豈虛言哉多識俱轉何不相應者外人問謂既
俱轉何不似心王與心所有相應義非同下論王
答謂相應者必得同時同境同根同體具此四義
故名相應今諸識雖同時起而不同境又不同根
依卽根也體卽體事數卽心所俱不同故如五根
識所依不同無相應義設問云如是八識爲是一
耶爲是異耶故下答云

八識自性不可言定一行相所依緣相應異故又一
減時餘不減故能所熏等相各異故亦非定異經說
八識如水波等無差別故定異應非因果性故如幻
事等無定性故如前所說識差別相依理世俗非真
勝義真勝義中心言絕故如伽陀說心意識八種俗
故相有別真故相無別相所相無故

答明八種識非定言一以彼行相所依所緣相應

80

123456789

90

123456789

100

123456789

123456789

心所生滅熏習俱各異故亦非定異。如水與波及因果性豈定異耶。復總喻云如幻事等無有定一及定異故。如前下結顯真俗妙理前說識差別者卽前三種能變八個心王五十一個心所俱各別有體性業用種子現行皆依世俗顯示非真勝義真勝義中心不可思言不可議。豈有形名種類之異。如伽陀下引證相所相無故者謂真勝義能變所變。二相俱寂故曰真如。○三問答顯理竟通上一明三能變竟下二答五外問分五一假說我法分三一結前標問

已廣分別三能變相爲自所變二分所依云何應知依識所變假說我法非別實有由斯一切唯有識耶已廣下結前三種能變爲自所變見相二分所依云何下後問謂一切法汝大乘說是識所變既是非識變能變所變各自有體何說諸法非別實有唯有識耶。○一結前標問竟下二舉頌總答。

頌曰

是諸識轉變 分別所分別
由此彼皆無 故一切唯識

前二句明能所變相成能所取後二句明內外皆空顯唯識性頌中此字卽相見二分是如幻有彼

字卽妄所執實我實法決定非有彼此二體俱空故云皆無○一舉頌總答竟下三解釋頌意分一二

一正釋頌意。

論曰是諸識者謂前所說三能變識及彼心所皆能變似見相二分立轉變名所變見分說名分別能取相故所變相分名所分別見所取故由此正理彼實我法離識所變皆定非有離能所取無別物故非有實物離二相故是故一切有爲無爲若實若假皆不離識唯上言爲遮離識實物非不離識心所法等

先以緣生二分解釋第一句頌八識心王五十二

心所能變。見相二分名所變。以見相分是識所變。從因緣生名依他起。但似外執實能所現故說爲似。所變下釋第二句頌中能所俱名所變義。由此下釋第三句頌。謂由大乘能變所變緣起正理。則知餘執實我實法決定非有。以離見相非實物故。是故下釋第四句頌。謂色心等一切諸法。若於現在有實作用名爲有爲。若法已滅或未生時無作用故名爲無爲。又一切法因緣變故名爲實有。分別變故名爲假有。故一切法皆不離識。唯言下宗鏡云。唯遮境有識。簡心空。唯遮薩婆多部執心

外有境識簡清辯等執惡取空故我大乘立唯識義非遮不離識之心所法等。

或轉變者謂諸內識轉似我法外境相現此能轉變卽名分別虛妄分別爲自性故謂卽三界心及心所此所執境名所分別卽所妄執實我法性由此分別變似外境假我法相彼所分別實我法性決定皆無前引教理已廣破故是故一切皆唯有識虛妄分別有極成故唯既不遮不離識法故真空等亦是有性由斯遠離增減二邊唯識義成契會中道。

次以緣生我法解釋頌意或轉下釋前一句半頌

以能變之心卽能分別三界心法皆虛妄故此所下釋次一句半頌此所執境者卽所轉變也頌名所分別卽所妄執實我法性皆依識變假我法相而妄執故故云決定皆無前一卷二卷中廣引教理已破我法決定無故是故下釋第四句頌虛妄分別有者是契經中頌言謂三界中虛妄分別之心是有則真如心亦有以破小乘等執心是無故曰極成唯既下謂唯遮境有不遮不離識之心所法等故真空等勝義諦法亦是有性由唯識義無心外法是遮境有遠離增益有虛妄心是簡心空

遠離減損。故立唯識契會中道。○一正釋頌意竟
下二小乘九難。第一唯識所因難。

由何教理唯識義成。豈不已說。雖說未了。非破他義
已義便成。應更確陳成此教理。

宗鏡云。小乘以九難。難心外無法。唯心之旨。第一
難云離心之外現見色法是所緣實境。論主何故
包羅歸心總說唯識。一乃色心有異。二又能所不
同。豈不已說下論王答。謂前廣引教理已說唯識
之義。雖爲汝說汝尚未了。非破下論主自白已意。
謂非是特破他義顯已義成。意在廣明唯識利樂。
有情。故應更與確實指陳聖教正理。成唯識義宗
鏡答云。只此外邊色境。一是有情緣心所變。二是
有情之心所持。根本由心是故唯識。
如契經說三界唯心。又說所緣唯識所現。又說諸法
皆不離心。又說有情隨心垢淨。又說成就四智菩薩
能隨悟入唯識無境。

先引四種皆契經所說以證唯識無心外境。十地
經及華嚴經說三界唯心解深密經。又說所緣唯
心所現楞伽經中。又說諸法皆不離心。無垢禪經
又說有情隨心垢淨。次引阿毘達磨經中說成就

四智悟入唯識者。卽地前小菩薩。雖未證唯識之理。而依佛說。及見地上菩薩成就四般唯識之智。遂入有漏觀。觀彼十地菩薩所變大地爲黃金攬長河爲酥酪化肉山魚米等事。卽云。如是所變金銀寶等。皆不離十地菩薩能變之心。更無外境。作觀已亦能隨順悟入真唯識理。

一相違識相智。謂於一處鬼人天等隨業差別所見各異境。若實有此云何成。

謂四類有情能緣之識各別。所變相分亦相違故。卽天見寶嚴地。魚龍見窟宅。人見清冷水。鬼見腥

河猛火。所言相者非徧計相。但是相分之相。由四有情先業之力共於一處。各變相分不同。故名相違識相。所言智者。卽是十地菩薩能緣之智。智能了彼四類有情各自業識所變相分不同。更無心外差別四境。問其四有情爲是各變相分。爲是本質亦別。答相質皆別。謂由四有情業差別。故第八所變相分亦別。第八相分爲本質。故前六所變相分亦別。故知更無外境。唯有識也。奘大師云。境非因。一者爲所變相分。隨四類有情能變之心。境亦成四。一處解成差證。知唯有識。

二無所緣識智。謂緣過未夢境像等。非實有境識現可得。彼境既無餘亦應矣。

無所緣識者。卽是一切異生將自第六獨生散意識緣過去未來水月鏡像等變起假相分。無心外實境名無所緣識。言智者。卽是十地菩薩能緣之心。菩薩云。此等異生所變假相分皆不離彼能變之心。是其唯識。卽以此例一切實境亦不離一切有情能緣之心。離心之外更無一物。故云彼境既無餘亦應矣。

三自應無倒智。謂愚夫智若得實境。彼應自然成無

顛倒不由功用應得解脫

卽十地菩薩起智觀察一切衆生妄執自身爲常樂我淨。菩薩云。但是凡夫執心倒見離却妄執心外其凡夫身上實無常樂我淨之境。必若有者。應異生不假修行而得解脫。既不尔者。明知唯有妄識亦是唯識。

四隨三智轉智。一隨自在者智轉智。謂已證得心自在者。隨欲轉變地等皆成境。若實有如何可變。前之三智觀凡夫境。此第四智觀聖者境。而合三智爲一智者。以三皆是聖所行故。一隨自在者智

80 1 2 3 4 5 6 7 8 9 100 1 2 3 4 5 6 7 8 9

轉智即是菩薩起智觀自所變境皆不離我。能變之心是其唯識。爲入地以去菩薩能任運變大地爲黃金攬長河爲酥酪。此是境隨真智轉。所變事皆成。轉者改換舊質義。即隨轉。大地山河舊質成金銀等鍛鍊作諸器具。衆生實得受用。若離心外有實境者如何。山河等境相分本質皆悉轉變。故知一切諸境皆不離菩薩能變之心。乃至異生亦能變火爲水。變晝爲夜。點鐵成金。此等皆是境隨智轉。所變皆成。亦是唯識。凡變金銀宮殿者。是實定果色。從初地以去作意方變。入地以上菩薩於衆相現前境。若是真寧隨心轉。

無性菩薩云。謂諸聲聞獨覺菩薩等。若修苦空等觀得相應者。或作四諦觀時。隨觀一法之上。唯有

80
1 2 3 4 5 6 7 8 9

90
1 2 3 4 5 6 7 8 9

100
1 2 3 4 5 6 7 8 9

無常苦空無我等衆相顯然非是諸法體上有無常等義。但是能變心上有無常等義則令諸法成無常等故知諸法皆不離識。

三隨無分別智轉智謂起證實無分別智一切境相皆不現前境若是實何容不現。

爲菩薩根本智證真如時真如境與智冥合能所一如離本智外更無別境境隨智轉故說唯心汝小乘執有心外實境卽證真如時一切境相何不現前。

菩薩成就四智者於唯識理決定悟入又伽陀說心意識所緣皆非離自性故我說一切唯有識無餘此等聖教誠證非一

總結菩薩得此四智方能悟入唯識正理又伽陀下引證謂第八名心第七名意餘六名識各有所緣皆從心變心爲自性故云不離自性一切有爲無爲皆從心顯故說無餘此等下總結聖教明唯識義竟下文復以正理立四比量明唯識理極成眼等識五隨一故如餘不親緣離白色等。

此立第一比量宗在喻中宗鏡云極成眼識是有法定不親緣離白識色是宗因云極成五識隨一

80 1 2 3 4 5 6 7 8 9 100 1 2 3 4 5 6 7 8 9

攝故如餘極成四識今云極成眼等識者宗鏡且將眼識爲前陳故云眼識是有法五隨一故者是五識中隨攝一識卽名因義如餘不親緣離自色等謂此眼識定不親緣離自識色是宗如餘耳四識不親緣離自識聲等四塵意謂所緣者皆不離自識故此比量宗在喻中據宗鏡立三支皆用極成二字俱是寄言簡過且前陳言極成眼識者簡兩宗不極成眼識如大乘許他方佛眼識及佛無漏眼識小乘不許是一宗不極成小乘許佛有漏眼識及最後身菩薩染汙眼識大乘不許是一犯能立所立法不成之過

宗不極成今取兩宗不許之外共許眼識爲宗依故云極成也又因云極成五識中隨一攝故乃至喻云如餘極成四識者俱是簡兩宗不極成之眼識及耳等四識故若不安極成言於宗則犯所別不極成過於因則犯自他隨一不成之過於喻則犯能立所立法不成之過

餘識識故如眼識等亦不親緣離自諸法

此立第二比量四分俱全宗鏡云極成餘識是有法亦不親緣離自識法是宗因云是識性故同喻如極成五識今云餘識者是除前五立後三識爲

80 1 2 3 4 5 6 7 8 9 100 1 2 3 4 5 6 7 8 9

前陳識故者由後三識與前五同名見分故宗鏡以是識性故爲因。此中喻云如眼識等以識性同故亦不親緣離自諸法是宗者謂前五如餘識不親緣離自識色等後三識亦如前五亦不親緣離自識之諸法問何不言六七八識爲有法而言餘識耶答若言六七八識爲有法他不許七八二識卽犯他一分所別不極成過若但立意識爲有法因中更犯不定過被他將七八二識爲異喻量犯共中自不定過今但總言餘言陳第六意兼七八卽闇成立七八於餘識之中矣。

此說所緣定非離此二隨一故如彼能緣。

此第三比量四分俱全宗鏡云六識親所緣緣是有法定不離六識體是宗因云見相分中隨一攝一故如彼能緣見分今云此說所緣者是立所緣相分爲前陳定非離此者謂相分定不離能緣識是宗二隨一故者是因謂於二分中隨一相分故如彼能緣者是喻以相分如見分互不相離。

此立第四比量因在有法中宗鏡云一切隨自識所緣是有法決定不離我之能緣心及心所是宗

因云以是所緣法故同喻如相應法今云所緣法
故者是以一切識之所緣爲有法卽說所緣法故
爲因如相應法者是喻謂所緣之法不離能緣如
相應心所不離心王決定不離心及心所者是宗
謂所緣法必以心王心所爲能緣故不相離設問
云何故後陳云我之能緣耶答若不言我之能緣
者便犯一分相扶之過謂小乘亦許他心智所緣
之境不離能緣心故爲簡此過故言我之能緣卽
簡他之能緣也。

此等正理誠證非一故於唯識應深信受我法非有

空識非無離有離無故契中道慈尊依此說二頌言
虛妄分別有於此二都無此中唯有空於彼亦有此
故說一切法非空非不空有無及有故是則契中道
此頃且依染依他說理實亦有淨分依他

此中比量雖則有四皆以不離爲義總顯唯識正
理故云此等正理誠證非一應深信受我法非有
者破外所執空識非無者顯自立宗空卽真空識
卽唯識此唯識義離有離無契會中道慈尊下引
證空識非無等義虛妄分別有者卽有三界虛妄
分別心也於此二都無者謂於虛妄心中都無所

執實我實法。此中唯有名者謂此虛妄心中唯有
真空於彼亦有此者謂於真空中亦有虛妄之心。
故說一切法者有爲無爲法也。非空非不空者謂
真心妄心卽圓成依他二性名爲非空。實我實法
卽偏計性名非不空有無及有故者妄心曰有。我
法曰無。真中有妄妄中有真名及有故是則契中
道者結上諸義遠離斷常耳。此頌下論王釋頌意
謂此二頌依染分說顯唯識義以理推之亦有淨
分顯唯識理。○第一難竟。下第二世事乖宗難。

定不定轉如夢境等應釋此疑

若唯內識至定不定轉者宗鏡謂經部師難云若
言唯有內識無外境者如何現見世間情與非情
等物有處定時定身不定作用不定。今云若唯內
識似外境起者牒大乘唯識義寧見下是難詞謂
見世間情與非情處時有定身與作用而又不定。
卽如東處非南此時非彼是處時有定又一切人
有患賢無患賢所見種種差別不同是身不定亦
如所見一切男女及刀杖等實有作用夢中所見
便無實用是作用不定如夢境等應釋此疑者論

0 1 2 3 4 5 6 7 8 9

10 11 12 13 14 15 16 17 18 19 20 21 22 23 24 25 26 27 28 29 30

主引二十唯識頃云處時定如夢身不定如鬼同見曠河等如夢損有用答上問義顯唯識理處時定如夢者謂於夢中緣此處餘處及緣時不緣時皆是夢心所現可名唯識者則我覺時境色處定時定亦是唯識身不定如鬼者謂如餓鬼同見一水變爲曠河猛火等異皆是餓鬼業識所現可名唯識者則知我宗身有患賢及無賢等所見不同亦是唯識如夢損有用者謂如夢中刀杖飲食無實作用遺失等事實有作用皆是夢心所現可名唯識者則知我宗覺時夢時俱成唯識餘義詳宗令知外法亦非有故

鏡六十三卷文繁不引○第二難竟下第三聖教

相違難

何緣世尊說十二處依識所變非別實有爲入我空說六二法如遮斷見說續有情爲入法空復說唯識。何緣下宗鏡謂小乘難云若言一切皆是唯識無心外實境者何故世尊於阿含經中說有十二處若一切皆唯識者世尊只合說意處法處卽不說有十色處今世尊旣說有十二處者明知離却意法處外別有十色處是心外有何言一切皆是唯

識論王荅處有三二假荅此中無論文謂假將五
識種子爲五色根荅經部師之義二十唯識頌云
識從自種生似境相而轉爲成內外處佛說彼爲
十此頌宗鏡有解文繁不引二正荅者卽今論說
依識所變非別實有此依大乘自宗正解謂五塵
本質色是第八識之親相分相分不離第八識亦
是唯識三喻荅者卽今論云如遮斷見說續有情
是佛密意破衆生一合相我假說有十二處名令
衆生觀十二處法都無有我便入我空次依唯識
能觀一切諸法之上皆無實執持勝性等用旣除

法執便成法空○第三難竟下第四唯識成空難
此唯識性豈不亦空不亦如何非所執故謂依識變
妄執實法理不可得說爲法空非無離言正智所證
唯識性故說爲法空此識若無便無俗諦俗諦無故
真諦亦無真俗相依而建立故撥無二諦是惡取空
諸佛說爲不可治者應知諸法有空不空由此怒尊
說前二頌

宗鏡謂小乘難云旣言一切諸法皆無實執持自
在勝性等用成法空觀者卽此唯識之體豈不亦
空論王荅云不尔者謂唯識性亦不空小乘又問

如何不空論王又答非所執故謂我前言空者但是空其一切法上妄執實有執持勝性等用徧計虛妄之法是空非空離名種等根本智所證唯識性故說爲空也此識若無下重釋不可空之所以撥無二諦下引諸佛責詞以警之應知下結牒前頌證有可空不可空之義○第四難竟下第五色相非心難

若諸色處亦識爲體何緣不似色相顯現一類堅住相續而轉名言熏習勢力起故與染淨法爲依處故謂此若無應無顛倒便無雜染亦無淨法是故諸識亦似色現如有頌言亂相及亂體應許爲色識及與非色識若無餘亦無

宗鏡謂小乘難云若言一切外色皆心爲體何故所變外色皆得顯現能變之心卽不顯現且如外色山河大地卽千年萬年無改變相續不斷得多時任能變之心不尅明知離心有外實色何言一切皆是唯識今云若諸色處亦識爲體者是牒大乘唯識義何緣下是難詞名言熏習下論王答宗鏡釋云但由一切有情無始時來前後相傳以名言虛妄熏習作心外堅住相續等解由此勢力有

此相現與染淨法爲依處故。謂染淨法皆從色相上起。外人又問。旣言唯識有情。何要變似外色而現。答云。謂此若無應無顛倒染淨等。如有頌言下。引攝論證。唯識義宗鏡釋云。亂相者卽所變色相。亂體者卽能變心體。應許爲色識者。所變亦是心。故云色識。及與非色識者能變本乎心。故云非色識。若無餘亦無者。若無所變似外色境爲亂相者。亦無能變之識體。故知須變似外境現。所以諸色皆不離心。總是唯識。○第五難竟。下第六現量相。

色等外境分明見證現量所得寧撥爲無現量證時
不執爲外後意分別妄生外想故現量境是自相分
識所變故亦說爲有意識所執外實色等妄計有故
說彼爲無又色等境非色似色非外似外如夢所緣
不可執爲是實外色

宗鏡云且如心外五塵色境分明五識現證是現量所得大小乘皆共極成何故撥無總言唯識現量證時下論王答宗鏡釋云現量五識緣五塵境時得法自性不帶名言無籌度心不執爲外但是後念意識妄生分別使執爲外別實有境故現量

下釋成答意宗鏡釋云五識各有四分。其五塵境是五識之親相分。由五識自證分變似色等相分境現。其相分又不離見分。皆是唯識。若後分別意識起時妄執心外有其實境。此卽是無。不稱境體故。又色等下結勸餘乘勿執爲外。謂相分從心變。故曰非色。相分似本質。故曰似色。內色非外色。故曰非外。內色如外現。故曰似外。如夢中境皆唯識變。云何執爲心外實色。○第六難竟。下第七夢覺相違難。

若覺時色皆如夢境。不離識者。如從夢覺知彼唯心。何故覺時於自色境不知唯識。如夢未覺不能自知。要至覺時方能追覺。覺時境色應知亦尔。未真覺位不能自知。至真覺時亦能追覺。未得真覺恒處夢中。故佛說爲生死長夜。由斯未了色境唯識。

宗鏡釋云小乘躡上難云若覺時色皆如夢境。不離識者。何緣夢境人人皆知。唯心所變。覺時之境不知。唯識耶。如夢未覺下引喻答。覺時下以法合喻。故佛下引證。宗鏡釋云卽第七識是生死長夜根本。能令起惑造業三界輪迴。直須至真覺位時方知一切皆是唯識。昔婆刺拏王容貌端正。後從

801 2 3 4 5 6 7 8 9 1001 2 3 4 5 6 7 8 9

迦旃延出家往阿槃地國中修道。阿槃地王將宮人入山遊戲。宮人見王形貌端正圍繞瞻視。阿槃地王瞋怒鞭之幾死。至夜方甦。語迦旃延曰。我從師乞誓還本國舉軍破彼阿槃地國殺其王已。從師修道。迦旃延從請。語曰。汝若欲去。且停一宿。迦旃延安置好處令眠。欲彼感夢。夢見舉軍征阿槃地國。自軍破敗。身被他獲。堅縛手足。赤華揷頂。嚴皺欲殺。王大恐怖。叫喚失聲。迦旃延呼名令寤。語之曰。汝若征彼。必當破敗如夢所見。王曰。願師爲除毒意。迦旃延爲說一切諸法。譬如國土。假名無取他心難。

外色實無可非內識境。他心實有寧非自所緣。誰說他心非自識境。但不說彼是親所緣。謂識生時無實作用。非如手等親執外物。日等舒光。親照外境。但如

鏡等似外境現名了他心。非親能了。親所了者謂自所變。故契經言無有少法能取餘法。但識生時似彼相現名取彼物。如緣他心色等亦尔。

宗鏡難云且如此人心若親緣得他人心著卽離此人心別有心爲境。若此人心緣他人心不著卽有境而不緣。若緣著卽乖唯識義。若緣不著何成他心智。今云外色實無可非內識境是縱詞他心實有寧非自所緣是難詞。誰說下論王答宗鏡釋云雖說他人心非此人境。若此人親緣他人心卽不得。若託他人心爲質。自變相分緣亦有他心智。

但變相分緣時卽不得他人本質。他人影像相分是自心上現名了他心。卽知他心相分不離自心亦是唯識。謂識下釋非親所緣義。宗鏡釋云。此人緣他人心時變起相分當情相分無實作用。非如手等執物亦非如日舒光親照其境。緣他人心時但如鏡中影似外質現。鏡中像亦無實作用。緣他人心亦復如是非親能了。何名親了。親所了者謂自變故。契經下引證唯識義。謂能取是心所取亦是心成唯識理。故云無有少法能取餘法。又謂所緣相分但從自識上生似他人心現名取彼

物。他人如此色等亦然。是謂萬法唯識。○第八難
竟。下第九異境非識難。
既有異境。何名唯識。奇哉。固執觸處生疑。豈唯識教。
但說一識。不尅如何。汝應諦聽。若唯一識。寧有十方
凡聖尊卑。因果等別。誰爲誰說。何法何求。故唯識言。
有深意趣。識言總顯。一切有情各有八識。六位心所。
所變相見。分位差別。及彼空理所顯真如。識自相故。
識相應故。二所變故。三分位故。四實性故。如是諸法。
皆不離識。總立識名。唯言但遮愚夫所執定離諸識。
實有色等。若如是知。唯識教意便能無倒。善備資糧。

速入法空證無上覺。救拔含識生死輪迴。非全撥無
惡取空者。違背教理能成是事故。定應信。一切唯識。
宗鏡謂小乘難云。唯識之義離心之外更無一物。
方名唯識。既他人心異此人心爲境。何成唯識耶。
奇哉。下論王責云。汝小來何以堅固執著處處生
疑。豈唯識言。但說一人之識。不尅如何者。小乘又
問。汝應諦聽。下論王答。若言唯有一識。則無凡聖
尊卑。因果等別。若無諸佛衆生。何求。若無衆生。佛
爲誰說。應知我說唯識之言有深意趣。識言下釋
立。唯識之所以。謂立識言總顯。一切有情各有八

80 1 2 3 4 5 6 7 8 9 100 1 2 3 4 5 6 7 8 9 100

識各有六位心所各有相分見分各有分位差別二十四種不相應行法各有空理所顯六種真如無爲各有八識者識自相故六位心所者識相應故所變相見者心王心所一所變故分位差別者是前三法分位顯故所顯真如者是前四法各實性故如是上來五位諸法皆不離識總立識名故有深意唯言下謂立唯言但遮偏計執不遮依他起故亦有深意若如是知下結勸應信謂知唯識者能悟心外無法卽入法空諸法旣空證無上覺復能救拔有情生死非空見人違背教理而能成

就如是大因緣事是故欲修無上乘者應信一切唯識教義○二小乘九難竟通上一假說我法竟下二種種分別分三一牒義標問

若唯有識都無外緣由何而生種種分別

若唯有識都無外緣者牒大乘唯識義由何而生種種分別者是問詞謂若唯識無境由何而得種種心生旣無境牽心妄心由何起○一牒義標問竟下二舉頌總答

頌曰由一切種識如是如是雙

以展轉方故彼彼分別生

80 1 2 3 4 5 6 7 8 9 100 1 2 3 4 5 6 7 8 9 100

由一切種識者卽根本識能持一切種子故如是
如是變者指下展轉力也謂從種如是生現從現
如是熏種是展轉義故論中云謂從生位轉至熟
時宗鏡謂自證分轉變起見相二分以展轉力故
者論中謂八現識及相見等相助力故宗鏡謂卽
餘緣是展轉力彼彼分別生者論中謂現識等總
名分別分別類多故言種種宗鏡謂由彼見相二
分上妄執外有實我法等分別而生○二舉頌總
答竟下三解釋頌意分二一正釋頌意

論曰一切種識謂本識中能生自果功能差別此生

等流異熟士用增上果故名一切種除離繫者非種
生故彼雖可證而非種果要現起道斷結得故有展
轉義非此所說此說能生分別種故此識爲體故立
識名種離本識無別性故種識二言簡非種識有識
非種種非識故又種識言顯識中種非特種識後當
廣說

釋第一句頌本識卽第八功能卽種子差別顯種
多此生下釋種唯生四果餘非種故等流果者果
似因故異熟果者果異因故士用果者因果俱有
故士用謂作者所作事成名士用果增上果者助

因共感故除離繫者下釋第五果非種生義現起道卽能斷智道也斷結得者斷惑所證非從種生展轉義者謂離雜染繫縛之法方得證彼離繫果故非此所說者謂彼離繫果非此種子位中所說也問既名一切種何又名識答謂此所說生分別種識爲體故兼說識名非別說識種識下簡別有識非種者簡前七識種非識故者簡外種子又種下簡第八識謂此頌中雖兼識言意唯在種故云顯識中種非特種識後當廣說者下文因緣中廣說種子義釋第一句頌竟

此識中種餘緣助故卽便如是如是轉變謂從生位轉至熟時顯變種多重言如是謂一切種攝三熏習共不共等識種盡故展轉力者謂八現識及彼相應相見分等彼皆互有相助力故卽現識等總名分別虛妄分別爲自性故分別類多故言彼彼此頌意說雖無外緣由本識中有一切種轉變差別及以現行八種識等展轉力故彼彼分別而亦得生何假外緣方起分別諸淨法起應知亦然淨種現行爲緣生故此識下至識種盡故者釋第二句須餘緣助者卽第三句頌中展轉力也以八種識俱有助力故曰

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

餘緣由緣助故分別之法如是而生三熏習者謂名言習氣我執習氣有支習氣或云名言煩惱色識如次皆同與共相種及不共種則識中種方得盡故展轉下釋第三句頌如文可知卽現下釋第四句頌現識等者卽入種識及諸心所也分別類多者如言一二乃至八九十等分別也此頌下牒頌意總釋謂由種子及現行識展轉與方分別自生何執外緣分別方起又諸淨法亦非外緣同前染法亦由淨種及淨現行展轉生故○一正釋頌意竟下二別解緣義分五一廣明緣義分二問

答標數

所說種現緣生分別云何應知此緣生相緣且有四
問答以明四種緣義謂前種子現行俱可爲緣能生種種分別云何應知何法爲何緣之相答中緣有四種者種子一法說爲因緣餘之三緣在現行展轉方上說故卽種子現行爲四緣也○一問答標數竟下二別釋四緣分四一釋因緣

一因緣謂有爲法親辦自果此體有二種子二現行種子者謂本識中善染無記諸界地等功能差別能引次後自類功能及起同時自類現果此唯望彼

是因緣性現行者謂七轉識及彼相應所變相見性界地等除佛果善極劣無記餘熏本識生自類種此唯望彼是因緣性

此釋因緣又開爲二宗鏡釋云若一切煩惱種被加行智折伏已永無生現行用不得名因緣又如將心種望色現亦不名因緣若心種生心現色種生色現等皆是因緣雙通新本二類種子種子者下釋種子爲因緣謂此種子義通三性三界九地各具功能別故能引次後自類功能者是從種生種也及起同時自類現果者是從種生現行識也

此唯望彼是因緣性者謂此種子望彼引生種子及彼同時現果是因緣性現行下釋現行爲因緣謂此現行義通心王心所及所變相見性界地等皆名現行唯除佛果位中善法及微劣無記非是能熏餘七王所及界地等熏第八識生自類種此前七等望彼第八是因緣性

第八心品無所熏故非簡所依獨能熏故極微圓故不熏成種現行同類展轉相望皆非因緣自種生故一切異類展轉相望亦非因緣不親生故有說異類同類現行展轉相望爲因緣者應知假說或隨轉門

有唯說種是因緣性彼依顯勝非盡理說聖說轉識與阿賴耶展轉相望爲因緣故。

此釋非因緣義謂第八識相應五所無所熏義非是因緣設問云心所非所熏心王亦非所熏耶答云非是簡去所依第八獨用能熏前七必得第八因緣義成無記之法極微劣故佛果中善是圓滿故二無增減不熏成種無因緣義現行同類展轉相望皆非因緣者謂前現引生後現雖是同類非前現生乃自種生故非因緣一切異類展轉相望非因緣者卽後現望前種後種望前現雖曰異類

而不同時親所生故亦非因緣有說下通釋餘義皆非盡理何者盡理答聖說轉識望阿賴耶是因緣義○一釋因緣竟下二等無間

二等無間緣謂八現識及彼心所前聚於後自類無間等而開導令彼定生多同類種俱時轉故如不相應非此緣攝由斯八識非互爲緣心與心所雖恒俱轉而相應故和合似一不可施設離別殊異故得互作等無間緣入無餘心最極微劣無開導用又無當起等無間法故非此緣

此釋標中第二緣義八識心王及諸心所總名現

801 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8 9

識簡色不相應種子無爲非此緣性論說一切等無間緣唯望一切心心所說前聚於後者簡俱時及後爲前緣非開導故自類者顯非他識爲緣無間者顯前爲後緣非中間隔等而開導者顯緣義令彼定生者卽顯後果雖經久遠如入萬劫前眼識望後亦爲此緣以彼後果當定生故此簡人無餘最後心無界定生故非此緣多同類下明心所共開導義同類種者各識相應心所也心所非一故名爲多與識相應故名同類以心生時心所隨生故云俱時轉故如不相應非此緣攝者謂雖名

心所若不與相應如餘色等不共此緣由斯八識非互爲緣者此簡八識互不相應心與心所下宗鏡云心與心所旣非自類如八種識恒時俱轉體用各殊如何俱起望後并得互爲緣義荅云心與心所和合似一同一所緣及同一依同一時轉同一性攝不可離別令其殊異故互爲緣問入無餘依心有此緣否荅彼極微劣無此緣義言思路絕故微不能生果故劣已滅不復更生名無當起等無間義

云何知然論有誠說若此識等無間彼識等決定生

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

卽說此是彼等無間緣故卽依此義應作是說阿陀那識三界九地皆容互作等無間緣下上死生相開等故有漏無間有無漏生無漏定無生有漏者鏡智起已必無斷故善與無記相望亦然

問答明前等無間緣義謂論中說若前識等滅時無間彼後識等決定生起卽說此前是彼後識等無間緣故卽依下論王依論意立八種識各具等無間緣義阿陀那云執持此明第八識等無間緣三界九地皆容互作何以故下死生相開等故謂下生上者下地死時心而作上地生心等無間

緣上生下者亦尔故云互作有漏下謂有漏心滅時與當生無漏心作等無間緣無漏不與有漏爲緣何以故鏡智起已必無斷故謂第八無漏時心品轉成大圓鏡智盡未來際永無間斷旣無間斷不得爲緣善與無記相望亦然者謂有染無記客生無染善法無染善法定無生有染無記同漏無漏故曰亦然

此何界後引生無漏或從色界或欲界後謂諸異生求佛果者定色界後引生無漏後必生在淨居天上大自在宮得菩提故二乘廻趣大菩提者定欲界後

引生無漏廻趣留身唯欲界故彼雖必往大自在宮方得成佛而本願力所留生身是欲界故有義色界亦有聲聞廻趣大乘願留身者既與教理俱不相違是故聲聞第八無漏色界心後亦得現前然五淨居無廻趣者經不說彼發大心故

問答以明引生無漏界地也謂諸下釋色界引生無漏者二乘下釋欲界引生無漏者有義下破前二乘唯於欲界引生無漏義此明廻趣大乘者於色界中亦得引生設問云經不說彼天廻趣大乘何得引第八無漏現前答云然而經說五淨居天

無廻趣者唯說定性聲聞應知彼天亦有發大心者在

第七轉識三界九地亦容互作等無間緣隨第八識生處繫故有漏無漏容互相生十地位中得相引故善與無記相望亦然於無記中染與不染亦相開導生空智果前後位中得相引故此欲色界有漏得與無漏相生非無色界地上菩薩不生彼故此明第七識等無間緣三界九地亦容互作下生死亦如第八以隨第八生於何處卽繫第八執爲我故有漏下謂此第七因中轉智不同第八唯

80 1 2 3 4 5 6 7 8 9 10 1 2 3 4 5 6 7 8 9 10

在果上故十地中有漏無漏相間而起得互引生如五卷云減定既是聖道等流極寂靜故此亦非有由未永斷此種子故從減定聖道起已此復現行乃至未減此節無漏引生有漏也。又善等性同漏無漏互相引生故曰亦然。生空智起名爲不染智不起時亦名染故。故前後位得互引生此欲下釋漏無漏互相引生唯下二界地上菩薩不生無色界故。

第六轉識三界九地有漏無漏善不善等各容互作等無間緣潤生位等更相引故初起無漏唯色界後

決擇分善唯色界故。

此明第六識等無間緣界地漏等各容互作以彼轉智亦因位故故潤生位得互相引初起無漏唯色界者以決擇分善欲界無故六七二識有漏無漏容互相生者謂此二識有三品轉智初地下品轉八地中品轉等覺上品轉下品初轉未純無漏故與有漏互相引發若前五第八唯上品轉智故得無漏時更不生有漏以彼智起必無斷故眼耳身識二界二地異古兩識一界一地自類互作等無間緣善等相望應知亦余有義五識有漏無漏

80

1 2 3 4 5 6 7 8 9

90

1 2 3 4 5 6 7 8 9

100

1 2 3 4 5 6 7 8 9

自類互作等無間緣未成佛時容互起故有義無漏
有漏後起非無漏後容起有漏無漏五識非佛無故
彼五色根定有漏故是異熟識相分攝故有漏不共
必俱同境根發無漏識理不相應故此二於境明昧
異故。

此明前五識等無間緣各分界地眼耳身三識二
界二地者欲界五趣雜居地色界離生喜樂地。鼻
舌二識一界一地者唯在欲界五趣雜居地。自類
互生及善等相望釋義同前有義有漏無漏互作
等無間緣者未正有義無漏有漏後起非無漏後

容起有漏者正理謂佛有無漏五識豈佛亦生有
漏耶未成佛時五種色根定有漏故謂異熟識有
漏相分爲五色根與前五識俱生同境有漏色根
發無漏識理不相應有漏境昧無漏境明豈於一
境明昧齊生雜集論云等無間緣者謂中無間隔
等無間故同分異分心心所生等無間故是等無
間緣義中無間隔等無間者不必剎那中無間隔
雖隔剎那但於中間無異心隔亦名中無間隔然
是彼緣是故於一相續中前心望後心中間無餘

80 1 2 3 4 5 6 7 8 9 100 1 2 3 4 5 6 7 8 9

心隔故是等無間緣如心望心當知心所亦同分異分心心所生等無間者謂善心心所望同分善異分不善無記無間生心心所爲等無間緣如是不善無記心心所望同分異分無間生心心所亦余又欲界心心所望欲色無色界及無漏無間生心心所爲等無間緣如是色界等心心所各各別望色界等及欲界等無間生心心所如其所應盡當知○二等無間竟下三所緣緣

三所緣緣謂若有法是帶已相。心或相應。所慮所託此體有二。一親。二疎。若與能緣體不相離。是見分等

內所慮託應知彼是親所緣緣。若與能緣體雖相離爲質能起內所慮託應知彼是疎所緣緣親所緣緣能緣皆有離內所慮託必不生故。疎所緣緣能緣或有離外所慮託亦得生故。

此釋標中第三緣義有親疎故開爲二種。所緣緣者必是有體本質法名緣。託質變起自己相分名所緣相質合說名所緣緣謂若有法者宗鏡釋云卽有體法。簡於假法及偏計相分無體法無體法但是所緣不成緣。夫爲緣須是有體實法有力用故能牽生識。卽實圓成依他是有體法言是帶已

80 1 2 3 4 5 6 7 8 9 100 1 2 3 4 5 6 7 8 9

相者帶有二義一者變帶卽八箇識有蹠所緣緣本質是爲託此有體境爲本質變似質之相起名爲變帶二者挾帶卽一切親所緣緣實相分是爲此相分不離能緣心故其能緣心親挾此相分而緣名爲挾帶言已相者亦有二義且第一於變帶蹠所緣上說者卽變似質之已相二於挾帶親所緣上說者卽能緣心上親挾所緣相分之已相此是境相之相卽不同於蹠所緣緣帶本質家之已相起言心或相應者慈恩大師云此辯所緣緣果也以所緣爲緣是因生得心心所是果言心者是

八識心王言相應者是五十一心所有起不起故置或言所慮所託者爲識所緣名所慮能引生識名所託此體下分二文中別釋若與能緣體不相離者釋親所緣緣義若與能緣體雖相離者釋蹠所緣緣義一親二蹠者親是逼附義近義卽如相分親逼附近於見分更無餘分間隔蹠是遠義被相分隔故卽本質法是若與能緣體不相離者能緣是見分體是自證分謂相分是見分親所緣緣見分是自證分親所緣緣皆不離自證分體此正簡蹠所緣緣本質法望能緣見分有相離義亦簡

80 1 2 3 4 5 6 7 8 9 100 1 2 3 4 5 6 7 8 9 100

他人所變相分及自身八識各各所變相分更互
相望皆不是親今唯取自識所變相分望能變見
分體不相離中間更無物隔礙方是親義言是見
分等內所慮託者等卽等取自證分及第四分并
本智緣如等此皆成親所緣緣親所緣緣八識分
四類一有親所緣緣從質及心而變起故卽五識
緣五塵境所緣相分是二有親所緣緣但從心變
不仗質起卽第八識緣三境相分是三有親所緣
緣不由心變亦不由質起卽根本智證真如是四
有親所緣緣而非相分卽內二分互相緣是疎所

緣緣與能緣心相離法是謂卽他識所變及自身
中別識所變仗爲質等是親所緣緣體是挾帶必
不相離離內所慮託之境必不生能緣之心疎所
緣緣體是變帶不變則無故云離外所慮託之境
能緣之心亦得生故宗鏡云親所緣緣但是能緣
之心皆有離內所慮託之相分一切心等必不行
故卽大乘云若緣無法不生心也疎所緣緣能緣
之心或有或無者覓是心外法如執實我法雖無
本質然離彼法心亦生故

第八心品有義唯有親所緣緣隨業因力任運變故

有義亦定。有踈所緣緣。要仗他變質。自方變故。有義二說俱不應理。自他身土可互受用。他所變者爲自質故。自種於他無受用理。他變爲此不應理故。非諸有情種皆等故。應說此品踈所緣緣。一切位中有無不定。

此明第八識所緣前二義俱偏。唯自變爲親。一唯仗質爲踈。第三正義兼二。謂第八所緣種子身土爲境。若論身土互相受用可說仗質自方變故。若諸有情各有種子。非互相緣。故云非諸有情自內種子等身土故。應說下。自立正義。第八踈所

緣緣已轉未轉有無不定

第七心品未轉依位是俱生故必仗外質故亦定有踈所緣緣已轉依位此非定有緣真如等無外質故第六心品行相猛利於一切位能自在轉所仗外質或有或無踈所緣緣有無不定前五心品未轉依位麤鈍劣故必仗外質故亦定有踈所緣緣已轉依位此非定有緣過未等無外質故

第七第六所緣緣義俱如文釋前五轉識所緣緣義據宗鏡有親無踈以前五無分別雖有本質不起質想。唯以自變相分爲所緣故名爲親。此據五

800

900

1000

塵非自所變唯在本質上說故名爲疎若論八識未轉依位疎所緣緣第七前五決定有故以彼緣境必仗質故餘轉未轉有無不定又諸識互緣者唯第八與前七爲所緣緣卽第八相分與前五爲所緣緣第六識緣第八識四分爲所緣緣第七唯託第八見分爲所緣緣此皆第八識之四分爲本質前七見分變相分緣是疎所緣也唯第八不緣前七以第八不託前七生故唯以自三境爲所緣緣故卽八卷中八於七有七於八無之義○三所緣緣竟下四增上緣

四增上緣謂若有法有勝勢用能於餘法或順或違雖前三緣亦是增上而今第四除彼取餘爲顯諸緣差別相故此順違用於四處轉生住成得四事別故釋上標中第四緣義宗鏡釋云謂若有法者亦是有體法此簡所執無體法故有勝勢用者謂卽有爲無爲有勝用故此用非是與果等用但不障礙是增上用簡非因緣能於餘法者簡其自體顯不同前所緣緣故或順或違者顯與順違俱能爲緣與後生異法爲緣非前減法簡非等無間緣謂十因中前後是順第九是違亦是此緣問增上緣約

逆順有力無力都有幾種答古釋有四種一順增
上如水土與青草等六波羅密與佛果等爲順增
上緣愛取二支與五果種子亦爲順增上緣二違
增上卽如霜雹與青草等作違增上緣又如智與
惑亦違增上卽一念間智起惑斷時有一增上智
於惑作違增上與一空理作順增上三有力增上
亦名親增上如五根發生五識等四無力增上卽
此人五根望彼人五識是無力增上亦名疎增上
如燈燄正生時一切大地等法不礙此燄生名疎
增上但取不障礙義邊名增上緣雖前三緣下釋

四緣各別復顯順違俱能爲緣

然增上用隨事雖多而勝顯者唯二十二應知卽是
二十二根前五色根以本識等所變眼等淨色爲性
男女二根身根所攝故卽以彼少分爲性命根但依
本識親種分位假立非別有性意根總以八識爲性
五受根如應各自受爲性信等五根卽以信等及善
念等而爲自性

此中總標文中別釋名數體性前五色根者卽五
浮塵勝義根以本識變起相質淨色爲體性瑜伽
云依止端嚴增上義故建立五根雜集爲境界增

80 1 2 3 4 5 6 7 8 9 100 1 2 3 4 5 6 7 8 9

上男女二根者卽男女隱密處以身根少分爲體性瑜伽云依止出生增上義故建立二根雜集名爲產生增上共前五根有七命根者卽第八識種子分位假立命根瑜伽云依止安住增上義故建立一根雜集名爲住持增上共前七根有八意根者卽第六意根以八現識皆隨意轉節以八識爲其體性瑜伽云能令依止隨自在轉增上義故建立一根雜集亦名境界增上問豈非等無間意耶答旣屬增上緣必非等無間共前八根有九五受恨者卽苦樂憂喜捨受爲體性瑜伽云依止損益

增上義故建立五根雜集名爲受用果增上共前九根有十四信等五根者卽信勤念定慧根及善念等爲體性瑜伽云依止世間清淨增上義故建立五根雜集名爲世間離欲清淨增上共前十四有十九加後三根有二十二前十九根依世間道說後之三根依出世道說故名無漏下文廣釋未知當知根體位有三種一根本位謂在見道除後刹那無所未知可當知故二加行位謂煥頂忍世第一法近能引發根本位故三資糧位謂從爲得諦現觀故發起決定勝善法欲乃至未得順決擇分所有

善根名資糧位能遠資生根本位故於此三位信等五根意喜樂捨爲此根性。加行等位於後勝法求證愁惑亦有憂根非正善根故多不說。前三無色有此根者有勝見道傍修得故或二乘位迴趣大者爲證法空地前亦起九地所攝生空無漏彼皆菩薩此根攝故菩薩見道亦有此根但說地前以時促故。

未知當知根者位有三種一根本位謂在見道者此根唯以見道爲根本除後剎那者謂見道後一剎那時亦名已知根故云無所未知可當知故意在未見道時名未知當知根既見道已名已知根

二加行位者四種加行近能引發見道亦是此根之體位三資糧位謂從下四句明資糧位邊際能遠一句顯是此根體位於此下結顯三位所有信等無漏九根爲此未知當知根體性設問云善位無苦根可不待說何無憂根加行等位下答上問意前三下通釋傍修正攝此根相義前三無色者除非非想空無邊等傍修見道亦有未知可當知義迴心二乘求證法空地前菩薩求證地上生空無漏俱有未知可當知義菩薩見道正屬此根但說地前有未知義以見道後一剎那心名已知故。

言時促者見道唯在一念發明無二念故。

始從見道最後刹那乃至金剛喻定所有信等無漏九根皆是已知根性未離欲者於上解脫求證愁感亦有憂根非正善根故多不說諸無學位無漏九根一切皆是具知根性有頂雖有遊觀無漏而不明利非後三根二十二根自性如是諸餘門義如論應知始從下釋已知根也既見道體無所當知故名已知最後刹那者已知根之初心也金剛喻定者等覺位之後心也中間所有信等無漏九根是已知根體性問何無漏根答云未離欲等諸無學位下

成釋具知根也謂無學人證無漏果非從外得故云具知卽以無學位中無漏九根爲具知根體性問既後三根皆名無漏有頂無漏何非此根答云有頂雖有等瑜伽云依止出世清淨增上義故建立三根以此觀之有頂無漏非出世故謂有頂天中於所觀境定力勝故煩惱現行得解脫已令彼諸根成無漏性而不見道故曰不明未斷種子故曰不利觀方盡時復生餘處故非出世此三無漏根雜集總名出世清淨離欲增上二十二根下結成根義諸餘業用依處界繫三學三性及所斷等一

80 1 2 3 4 5 6 7 8 9 100 1 2 3 4 5 6 7 8 9

一差別廣如瑜伽五十七卷故曰如論應知○四
釋增上竟通上一廣明緣義竟

成唯識論俗詮卷第七終

非三界以地轉之百即無能非出世又罷言更中
更觀言等命財生出世觀華會土集姑婁立
猶處三昧者各無漏百即無能向非此妙答云不
具般唱以無學事中無漏小昧為具般唱對問
釋具狀殊也謂無學人鑑無漏界非第小掛姑

成唯識論俗詮卷第八

天親菩薩造頌

護法等菩薩造論

唐三藏法師玄奘奉詔譯

明西蜀沙門明昱俗詮

科從二卷中廣辯唯識分二。二種能變至七卷
中竟。二五種外問分五。一假說我法。二種種分別
中解釋頌意分三。一正釋頌意。二別釋緣義分五。

一廣明緣義七卷末竟。二依處立因。
如是四緣依十五處義差別故立爲十因。云何此依

十五處立。一語依處。謂法名想所起語性。卽依此處立隨說因。謂依此語隨見聞等說諸義故。此卽能說爲所說因。有論說此是名想見。由如名字取相執著隨起說故。若依彼說便顯此因是語依處。

問答以明依處立因也。如是下標舉云何下問。一語下釋依語依處立第一隨說因。謂法名想者釋語依處以有法故依法立名。以有名故尋名注想。言語隨生。故法名想是語依處。謂依下釋隨說因。語卽能說義。卽所說隨說卽義語處卽因。故卽能說之語爲所說義之因也。復引集論證此隨說是

名想見。名字卽名取相卽想執著卽見。若依彼論說名想見便顯此中立隨說因是語依處。瑜伽云三界法施設名爲先。故想轉。想爲先。故語轉。由語故隨見聞覺知起諸言說是故依語依處施設隨說因。

二領受依處。謂所觀待能所受性。卽依此處立觀待因。謂觀待此令彼諸事或生或住或成或得此是彼觀待因。

釋依領受依處立第二觀待因。宗鏡云觀待此故此爲因故於彼彼事若求若取此名彼觀待因。如

觀待手故手爲因故有親持業。觀待足故足爲因故有往來業。謂所下釋領受依處以能受爲果所受爲因以果必受因家功能然後成果故云能所受性謂觀下釋觀待因。瑜伽云諸有欲求欲界樂者彼觀待此於諸欲具或爲求得或爲受用或有欲求色無色界樂者彼觀待此於諸所緣或爲求得或爲受用乃至諸有不欲苦者彼觀待此於彼生緣於彼斷緣或爲遠離或爲受用是依領受依處立觀待因大都以觀此受此此卽所觀所受爲因彼觀彼受彼卽能觀能受爲果。

三習氣依處。謂內外種未成熟位。卽依此處立牽引。
因謂能牽引遠自果故。

釋依習氣依處立第三牽引因。謂內下。釋習氣依一處。習氣卽種子。以不能卽生現行果故名未成熟。謂能下。釋牽引因。宗鏡云。一切種子望後自果。名牽引因。瑜伽云。由淨不淨業熏習諸行於愛不愛趣中。牽引愛不愛自果。

四有潤種子依處謂內外種已成熟位卽依此處立生起因謂能生起近自果故

釋依有潤種子依處立第四生起因謂內下釋有

潤依處卽是潤生貪種。旣沃潤已卽得能生現行果故謂能下釋生起因。宗鏡云。卽諸種子望初自果名生起因。瑜伽云。愛名能潤種子是所潤。由此所潤諸種子故。先所牽引各別自體當得生起。

五無間滅依處。謂心心所等無間緣六境界依處。謂心心所所緣緣七根依處。謂心心所所依六根八作用依處。謂於所作業作具作用卽除種子餘助現緣九士用依處。謂於所作業作者作用卽除種子餘作用緣十真實見依處。謂無漏見除引自種於無漏法能助引證。總依此六立攝受因。謂攝受五辯有漏法。具

攝受六辯無漏故。

釋依六處立第五攝受因。前之三處節三種緣第一人作用卽所作法第九士用卽能作人所作業如作殿堂作具如斧斤等作用。如人受用器具等。二俱除種子者卽除親因緣第十真實見卽無漏見除引自種者亦除因緣謂攝下。釋攝受因。總攝六種受爲一因。故名攝受。除真實見依處攝受五辯有漏法。無真實見依處攝受六辯無漏法。宗鏡云除種子外所餘諸緣名攝受因。瑜伽云。由欲繫諸法無間滅攝受故境攝受故根攝受故作用攝受。

故士用攝受故諸行轉。如欲繫法。如是色無色繫法亦尔。或由真實見攝受故餘不繫法轉。是故依六依處施設攝受因。

十一隨順依處謂無記染善現種諸行能隨順同類勝品諸法。卽依此處立引發因謂能引起同類勝行及能引得無爲法故。

釋依隨順依處立第六引發因謂無下。釋隨順依處三性種果各有隨順功能以一引多以劣引勝。皆隨順故謂能下。釋引發因宗鏡云。卽初種子所生起果。望後種子所牽引果。名引發因。瑜伽云。謂能引出世勝善及無爲法。

十二差別功能依處謂有爲法各於自果有能起證差別勢力。卽依此處立定異因謂各能生自界等果及各能得自界果故。

釋依差別功能依處立第七定異因謂有下。釋差別依處功能卽色心等法各各種子謂根塵識及善染等。各有種子勢力引生因果相稱。如十善業。

定引人天不引三塗十不善業定引三塗不引人天以善不善功能各別性不相稱故謂各下釋定異因宗鏡云種種異類各別因緣名定異因瑜伽云由欲界諸法自性功能有差別故能生種種自性功能色無色界亦尔

十三和合依處謂從領受乃至差別功能依處於所生住成得果中有和合力卽依此處立同事因謂從觀待乃至定異皆同生等一事業故

釋依和合依處立第八同事因謂從領受下釋和合依處卽前諸處唯除語依處餘十一處生等事

業各各皆同名爲和合謂從觀待下釋同事因卽前諸因唯除隨說因餘之六因生等和合故名同事宗鏡云從觀待因至定異因如是諸因總攝爲一名同事因瑜伽云謂由獲得自生和合故欲色無色及出世法生如生法和合住異滅法亦尔十四障礙依處謂於生住成得事中能障礙法卽依此處立相違因謂彼能違生等事故

釋依障礙依處立第九相違因謂於下釋障礙依處卽違損法能違能損生等事故謂彼下釋相違因宗鏡云於所生法能障礙因名相違因瑜伽云

由欲色無色及出世法將得生事若障礙現前便不得生。住異滅法亦尔。

十五不障礙依處謂於生住成得事中不障礙法即依此處立不相違因謂彼不違生等事故。

釋依不障礙依處立第十不相違因謂於下釋不障礙依處卽無違損法於生等事無違損故謂彼下釋不相違因宗鏡云此障礙因若闕若離名不相違因瑜伽釋義翻上應知○二依處立因竟下

三二因攝十

如是十因一因所攝一能生一方便菩薩地說牽引

種子生起種子名能生因所餘諸因方便因攝此說牽引起引發定異同事不相違中諸因緣種未成熟位名牽引種已成熟位名生起種彼六因中諸因緣種皆攝在此二位中故雖有現起是能生因如四因中生自種者而多間斷此略不說或親辨果亦立種名如說現行穀麥等種所餘因謂初二五九及六因中非因緣法皆是生熟因緣種餘故總說爲方便因攝非此二種唯屬彼二因餘四因中有因緣種故非唯彼八名所餘因彼二因亦有非因緣種故。

牒科標舉引論證十因一因所攝菩薩地者瑜伽

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

十七地中名也。彼謂第三牽引第四生起名能生因所餘諸因卽隨說等八方便因攝。彼中約勝偏說將牽引生起二因分屬能生餘八分屬方便。此說下論主發菩薩地中隱義謂彼能生因不但偏攝牽引生起二因猶有引發定異同事不相違四因中已成未成種子皆屬能生因故方便一因不獨餘八卽牽引生起二因中有非因緣種亦是方便因攝問引發等四既許能生何故菩薩地中略此不說答云雖有現起等謂六因內四因現起雖有能生因義如六因外四因自種而多間斷故菩

薩地略此不說。又立種名以親辦果如穀麥等。所餘因卽方便因也。謂方便因不但八種總十因中非因緣法皆名方便。卽初隨說二觀待五攝受九相違以上四因及六因中非因緣法總說爲方便。皆是生熟因緣種餘者卽前成熟未成熟外非因緣法方便因攝問菩薩地說二因爲能生所餘爲方便此中何以六因爲能生干因爲方便答云非牽引生起二種唯屬彼二因餘之引發定異同事不相違中有因緣故非唯初二五九引發定異同事不相違之八因名所餘因而彼牽引生起二因

中亦有非因緣種故

有尋等地說生起因是能生因餘方便攝此文意說六因中現種是因緣者皆名生起因能親生起自類果故此所餘因皆方便攝非此生起唯屬彼因餘五因中有因緣故非唯彼九名所餘因彼生起因中有非因緣故

復引論證十因一因所攝有尋等地者謂有尋有伺地無尋唯伺地無尋無伺地此亦瑜伽十七地中名也彼論中謂生起一因是能生因所餘九因方便因攝此文下論王發彼論中隱義謂彼論說

生起因者亦說六因現行種子有因緣義皆名生起除因緣外非因緣法皆方便攝問有尋地說生起一因為能生餘九爲方便何故復說六因爲能生耶答非此生起唯屬生起一因彼餘牽引引發定異同事及不相違五因中亦有因緣義故非唯彼九非因緣義名所餘因卽彼生起一因中亦有非因緣義

或菩薩地所說牽引生起種子卽彼二因所餘諸因卽彼餘八雖二因內有非能生因而因緣種勝顯故偏說雖餘因內有非方便因而增上者多顯故偏說

有尋等地說生起因是能生因餘方便者。生起卽是彼生起因。餘因應知卽彼餘九。雖生起中有非因緣種而去果近親顯故偏說。雖牽引中亦有因緣種而去果遠疎隱故不說。餘方便攝準上應知。

此釋菩薩地隨勝偏說義。非能生因卽方便因也。以二因中因緣義勝。唯說二因爲能生。不說有方便。非方便因卽能生因也。以餘因內增上義多偏說。餘八爲方便。不說有能生問。菩薩地說牽引生起二因爲能生因。有尋等地何故只說生起爲能生。不說牽引。答云。有尋等地等雖生起下釋成非竟下四緣處攝因。

因緣種卽方便因也。以生起因去果相近親生現行義顯偏說。生起是能生因。有因緣種卽能生因也。以牽引因去果疎遠親生現行義隱故不說。牽引是能生因。餘方便攝准前釋義。○三二因攝十竟下四緣處攝因。

所說四緣依何處立復如何攝。十因二因論說因緣依種子立。依無間滅立等無間依境界立所緣。依所餘立增上。此中種子卽是三四十十二十三三千五百六依處中因緣種攝。雖現四處亦有因緣而多間斷。此略不說。或彼亦能親辨自果如外來等亦立種名。

80 1 2 3 4 5 6 7 8 9 100 1 2 3 4 5 6 7 8 9

或種子言唯屬第四親疎隱顯取捨如前言無間滅
境界處者應知總顯二緣依處非唯五六餘依處中
亦有中間二緣義故或唯五六餘處雖有而少隱故
略不說之

所說下問上四緣於十五處如何建立十因二因
如何相攝論說下引菩薩地論文答上緣依處立
之間謂依第三習氣種子依處第四有潤種子依
處立因緣依第五無間滅依處立等無間緣依第
六境界依處立所緣緣依所餘十一依處立增上
緣此中下論主發論中種子隱義謂論說種子不

唯第三第四依處亦攝十一隨順十二差別十三
和合十五不障礙總上六依處中有因緣義皆名
種子問既許六處共名因緣菩薩地中何故不說
答云謂雖現起隨順差別和合及不障礙四依處
中亦有因緣而多間斷故菩薩地略此不說或彼
下釋彼論中立種子名或種下釋有尋等地唯以
釋等無間及所緣緣依處隱義謂此二緣不唯第
五無間滅依處第六境界依處餘十三處亦有中
間二緣義故但少而隱故彼論中略不說也

論說因緣能生因攝增上緣性節方便因中間二緣攝受因攝雖方便內具後三緣而增上多故此偏說餘因亦有中間二緣然攝受中顯故偏說初能生攝進退如前。

引論答上四緣攝十因二因之間謂二因中能生因節十因中牽引生起二因攝因緣二因中方便因節十因中餘八因攝增上緣十因中攝受因攝中間二緣以攝受因中有六依處故問若增上緣方便因攝方便因節餘八因中間二緣何通攝受以攝受因方便因之餘八攝故苦許方便攝後三

緣是餘八因攝後三緣何唯攝受攝中二緣答云雖方便內具後三緣而增上緣隨多分說等無間緣及所緣緣攝受因中名相顯故故亦偏說初能牛攝進退如前者菩薩地以牽引生起爲能生有尋等地准說生起爲能生前以親疎隱顯辯明故云進退如前○四緣處攝因竟下五因緣生果所說因緣必應有果此果有幾依何處得果有五種一者異熟謂有漏善及不善法所招自相續異熟生無記二者等流謂習善等所引同類或似先業後果隨轉三者離繫謂無漏道斷障所證善無爲法四者

80 1 2 3 4 5 6 7 8 9 100 1 2 3 4 5 6 7 8 9 100

士用謂諸作者假諸作具所辦事業五者增上謂除前四餘所得果。

問答以明因緣生果有五種名義。異熟果者業報身也。宗鏡釋云有漏善者簡無漏善自相續者簡他身及非情若但言異熟不攝別報今言異熟生無記攝總別報王以善惡業爲因招無記性爲果因果不同性故名異熟果等流果者同類果也。宗鏡云等謂平等流謂流類如第八識中三性種子各生三性現行果與因性同故卽心種子生心現行色種子生色現行有漏無漏亦余離繫果者聖所證也。宗鏡云以擇滅無爲爲體體是無漏能斷道之所證得名離繫果以離障染所繫縛故士用果者作事成也。瑜伽云一類於現法中依止隨一切工巧業處起士夫用所謂士農商賈書美占卜等事由此士夫之用成就諸稼穡財利等果增上果者四果之餘也。宗鏡云增上殊勝名增上果但除四果外餘一切所得果者皆是此增上果收此增上果最廣如四緣中增上緣五見中邪見不簡有漏無漏有爲無爲但有所得果於前四果中所不攝皆是增上果中攝如眼識爲眼根增上果類。

瑜伽等說。習氣依處得異熟果。隨順依處得等流果。真見依處得離繫果。士用依處得士用果。所餘依處得增上果。習氣處言顯諸依處感異熟果一切功能。隨順處言顯諸依處引等流果一切功能。真見處言顯諸依處證離繫果一切功能。士用處言顯諸依處招士用果一切功能。所餘處言顯諸依處得增上果一切功能。不尅便應太寬太狹。

引論答上依處得果隨勝偏說謂第三依處及第十一第十二第十九此四依處付前四果所餘十一依處得增上果。習氣處言下釋論中隱義以習氣處取諸者太寬。

言顯諸依處感異熟果一切功能皆攝在習氣處中。凡言諸字卽餘十四依處故結云不尅便應太寬太狹。謂若不是舉一攝諸而唯取一者太狹。廣取諸者太寬。

或習氣者唯屬第三雖異熟因餘處亦有此處亦有非異熟因而異熟因去果相遠習氣亦尅故此偏說隨順唯屬第十一處。雖等流果餘處亦得此處亦得非等流果而此因招勝行相顯隨順亦尅故偏說之。真見處言唯詮第十雖證離繫餘處亦能此處亦能得非離繫而此證離繫相顯故偏說士用處言唯詮。

第九雖士用果餘處亦招此處亦能招增上等。而名相顯是故偏說所餘唯屬餘十一處雖十一處亦得餘果招增上果餘處亦能而此十一多招增上餘已顯餘故此偏說。

釋論中隨勝偏說之義或習氣下謂異熟因雖餘處亦有此習氣依處亦有非異熟因而異熟因去果相遠。習氣依處亦全故論偏說習氣依處得異熟果隨順下謂等流果雖餘處亦得而隨順依處之引發因招等流果義相顯勝故偏說之真見士用俱如此釋所餘下釋論偏說餘十一處得增上

果之義謂前四果雖各依一處而十一處亦得四果雖於四處亦得增上而十一處招增上果行相顯現故偏說之

如是卽說此五果中若異熟果牽引生起定異同事不相違因增上緣得若等流果牽引生起攝受引發定異同事不相違因增上緣得若士用果有義觀待攝受同事不相違因增上緣得有義觀待牽引生起攝受引發定異同事不相違因除所緣緣餘三緣得若增上果十因四緣一切容得

80 1 2 3 4 5 6 7 8 9 100 1 2 3 4 5 6 7 8 9

如是十因四緣配屬五果總答前問因緣生果之義先明五因一緣得異熟果牽引爲正餘因爲助七因二緣得等流果引發爲正餘因爲助言初後者初卽因緣後卽增上五因一緣得離繫果攝受爲正餘因爲助士用果中雖二義別釋皆以攝受爲正但助因緣多少不同若以士用依處觀之彼處除種子卽不得用牽引生起二因及與因緣當以前義唯用增上緣者爲善唯增上果因無正助緣非增減故云十因四緣一切容得○五因緣生果竟通上二別釋緣義竟下三正釋緣起

傍論已了應辯正論本識中種容作三緣生現分別除等無間謂各親種是彼因緣爲所緣緣於能緣者若種於彼有能助効或不障礙是增上緣生淨現行應知亦尔現起分別展轉相望容作三緣無因緣故謂有情類自他展轉容作二緣除等無間自八識聚展轉相望定有增上緣必無等無間所緣緣義或無或有八於七有七於八無餘七非八所仗質故第七於六五無一有餘六於彼一切皆無第六於五無餘五於彼有五識唯託第八相故

80 1 2 3 4 5 6 7 8 9 100 1 2 3 4 5 6 7 8 9

義。本識卽第八識中種。卽八識各親種也。以種子生現分別時。一生則已無重生義。故無等無間。謂各下釋上容作三緣義。謂八種分別現識各有親生種子。是彼因緣種。既生識。識卽緣種爲所緣緣。若諸種子於所生識。有能助力或不障礙。是增上緣。染位種生緣。旣如此。生淨現行。亦唯三緣故云亦尔。現起分別展轉相望容作三緣者。明現行八識互相緣義。非同前種生現故無因緣。謂有情類自八識聚與他八識相望。唯有所緣增上。以非自類前後生滅故。無等無間緣。又自八識互相望時。

有相助義。故有增上。亦非前後減生時說。故無等無間緣。所緣緣義。有無不定。入於七有下。釋成謂第八識與前七識爲所緣緣。以前七識必仗第八爲本質故。前七於八無所緣緣。以餘七識非第八識所仗質故。又第七識於前六識。前五無所緣。第六有所緣。以前五識不緣內故。又餘六識於彼第七無所緣緣。以第七識恒緣第八。不緣外故。又第六識於前五識無所緣緣。以前五識唯託相分爲所緣故。餘五於第六識前有所緣緣。以第六識內外色心自在緣故。

自類前後第六客三餘除所緣取現境故許五後見
緣前相者五七前後亦有三緣前七於八所緣客有
能熏成彼相見種故。

釋上現起分別三緣皆具義。自類前後者卽各識
自類前滅後生時也。第六客三者謂前滅後生時
有等無間緣。卽緣前念爲所緣緣。諸識同聚爲增
土緣餘除所緣者謂餘七種識各有定境。第八緣
三境第七緣第八前五緣相分故云取現境故五
雖唯緣相分若於自類後念生時亦許緣前念爲
所緣者則前五第七如第六識亦有三緣前七於

八所緣客有者雖則第八因中不緣前七而所緣
相見種子是前七識能熏成種故云客有以緣種
子能熏前七氣分有在。

同聚異體展轉相望唯增上諸相應法所仗質同
不相緣故或依見分說不相緣依相分說有相緣義
謂諸相分互爲質起如識中種爲觸等相質不然無
色彼應無境故設許變色亦定緣種勿見分境不同
質故。

此明心所互不相緣故無所緣唯增上同聚異
體者諸心所也所仗質同者於境同緣也此義未

盡或依下別顯有相緣義謂諸心所於一相分互爲質起故名相緣如識中種觸等五所共爲相質是相緣義不尔者謂若不許共緣種子無色界中無所緣境以無色界唯緣種故設許變起定果色時第八王所亦定緣種勿謂見分所緣之境不同質故故於相分有相緣義

同體相分爲見二緣見分於彼但有增上見與自證相望亦尔餘二展轉俱作二緣此中不依種相分說但說現起互爲緣故

此明四分互緣義謂一識中雖有四分唯是一體

故名同體爲見二緣者相能引生見分是增上緣見分卽緣相分爲所緣緣見分於彼但有增上者以相分非能緣故無所緣緣見與自證相望亦尔者見有分別引生自證是增上緣自證卽緣見分爲境是所緣緣自證於彼但有增上者以見分不緣同體自證故無所緣緣餘二展轉俱作二緣者謂自證分證自證分互引互緣故有所緣亦有增上此中下結成前說現起分別展轉相望之義淨八識聚自他展轉皆有所緣能徧緣故唯除見分非相所緣相分理無能緣用故

此明轉依位中所緣皆有不同前說未轉依位有無不定唯除見分非相所緣者相非能緣無所緣義

既現分別緣種現生種亦理應緣現種起現種於種能作幾緣種必不由中二緣起得心心所立彼二故現於親種具作二緣與非親種但爲增上種望親種亦具二緣於非親種亦但增上

躡前問辯謂現分別許緣種子現行方生種亦理應許緣現行種子方起故問云現行與種於各親種能作幾緣答云種必不由中二緣起謂種子位行

中必不由所緣等無間緣起何以故得心心所時立彼二緣故現於親種具作二緣者親生現行為因緣相助引生爲增上與非親種但有增上者種既非親不生現行無因緣義種望親種同前現行

依斯內識互爲緣起分別因果理教皆成所執外緣設有無用况違理教何固執爲雖分別言總顯三界心及心所而隨勝者諸聖教中多門顯示或說爲二三四五等如餘論中具廣分別

依斯下結前緣起牒破外執分別言者牒前須中

80 1 2 3 4 5 6 7 8 9 100 1 2 3 4 5 6 7 8 9

彼彼分別生之言也。隨勝立名有多種別。或說爲二者謂墮意不墮意。界內墮意是識界外不墮意是智。三者心意識也。四者善等四性也。五者因果苦樂捨五位分別也。如瑜伽論中廣明○三正釋緣起竟通上二種種分別竟下三生死相續分三牒義標問

雖有內識而無外緣由何有情生死相續
雖有內識而無外緣者牒大乘唯識正義由何有情生死相續者問也。謂無外緣內心不起心不起故業自不生既無業種世間有情由何而有生死

相續○一牒義標問竟下二舉頌總答

頌曰　由諸業習氣　二取習氣俱

前異熟既盡

復生餘異熟

前二句頌三種習氣諸業卽有支習氣二取卽我執名言二種習氣後二句頌生死相續意謂由三習氣生死相續何假外緣方成生死○二舉頌總答竟下三解釋頌意分四一業果相續論曰諸業謂福非福不動卽有漏善不善思業業之眷屬亦立業名同招引溝異熟果故此雖纔起無間卽滅無義能招當異熟果而熏本識起自功能卽此

功能說爲習氣。是業氣分。熏習所成。簡曾現業。故名
習氣。如是習氣展轉相續。至成熟時。招異熟果。此顯
當果勝增上緣。相見名色心及心所。本末彼取。皆二
取攝。彼所熏發。親能生彼本識上。功能名。二取習氣
此顯來世異熟果心及彼相應諸因緣種。俱謂業種。
二取種俱是。踈親緣互相助義。業招生顯故頌先說。
福業卽有漏善思爲體。自體及果俱可愛樂。相殊
勝故。非福反上。具業多少。住一境性不移動故。名
不動業。卽上二界定地之業。以定能令住一境故。
業之眷屬亦立業名者。謂引業爲種。溝業爲眷屬。
故云同招引清異熟果故。設問云。業起卽滅。何能
招果。答云。業雖無義。能招當果。而熏本識起。自功
能名爲習氣。是業下釋習氣名。簡曾現者。從熏習
成簡非曾有。旣名種子。簡非現起。如是下釋業習
氣招異熟果是增上緣。非因緣故。二取習氣皆屬
能取。所取有四。一取相見。二取名色。三取心及心
所。四取本末。本卽總報末卽別報言。彼取者。彼上
四種所取。皆是我執名言。二取所攝。彼所下。謂彼
種子從熏習生。故名習氣。此顯下釋。二取習氣於
異熟果心。心所法爲因緣種。非增上故。俱謂下釋。

80 1 2 3 4 5 6 7 8 9 10 1 2 3 4 5 6 7 8 9 10

俱字謂有支業種及二取種和合名俱。是疎親緣互相助義者謂二取種爲親因緣。有支業種爲疎增上。由有因緣方顯增上。由有增上助發因緣。問論言業種但疎增上何須先說。答由業能招趣生顯勝故先說之。

前異熟者謂前前生業異熟果餘異熟者謂後後生業異熟果雖二取種受果無窮而業習氣受果有盡由異熟果性別難招等流增上性同易感。由感餘生業等種熟前異熟果受用盡時復別能生餘異熟果由此生死輪轉無窮何假外緣方得相續此須意說

由業二取生死輪迴皆不離識心心所法爲彼性故釋後二句頌以答生死相續問也問既以二取爲正因緣果報無窮何有前後異熟果耶。答云雖二取等謂生死相續由三習氣有恒有間有難有易互相資助生死義成由業習氣受果有盡而性別難招者前前異熟盡矣由二取種受果無窮而性同易感者後後異熟生矣。是爲生死相續言有盡同故果唯無記業屬善惡言難招者以業招果異世方熟等流增上二果合說者以增上義寬有等

80 1 2 3 4 5 6 7 8 9 100 1 2 3 4 5 6 7 8 9

流處必有增上等流故性同增上故易感由感下牒釋正義破外執情此頃下結顯頌中說唯識義謂三習氣皆是心心所法爲自性故故不離識○

一業果相續竟下二習氣相續

復次生死相續由諸習氣然諸習氣總有三種。一名言習氣謂有爲法各別親種名言有二一表義名言卽能詮義音聲差別二顯境名言卽能了境心心所法隨二名言所熏成種作有爲法各別因緣

總標三種習氣以爲生死相續之因也名言習氣者習氣卽種子此名言種卽所知障種於境取像

安立名言是所知義有爲卽生住異滅色心法也。蘊處界二色心等法皆以名言所知爲親種故名言下復開二種釋成上義以顯色心差別能詮音聲是相分色法了境王所是見分心法由依境故而起言說依言說故而能了境皆是色心妄織成種故云隨二名言所熏成種作有爲法各別因緣以色與心義各別故

二我執習氣謂虛妄執我我所種我執有一二俱生我執卽修所斷我我所執二分別我執卽見所斷我我所執隨二我執所熏成種令有情等自他差別

我執習氣卽煩惱種也於自他處執我我所煩惱隨生熏成種故我執下復開爲二釋成上義以顯俱生分別見修所斷煩惱異故由我執故故有自他種種差別

三有支習氣謂招三界異熟業種有支有二一有漏善卽是能招可愛果業二諸不善卽是能招非愛果業隨二有支所熏成種令異熟果善惡趣別應知我執有支習氣於差別果是增上緣

有支習氣卽業種也十二緣中行有二支俱名業故不說行支者行乃過去因此顯現熏成種故說

有支等有支下復開二種釋成上義以顯善不善業愛非愛果諸趣別故應知下結顯二習氣中唯說我執有支於善惡果是增上緣以顯名言習氣是親因緣

此頃所言業習氣者應知卽是有支習氣一取習氣應知卽是我執名言二種習氣取我我所及取名言而熏成故皆說名取俱等餘文義如前釋

會通頌論所說三種習氣名義俱等餘文義如前釋者前說業種一取種俱及前前後後異熟等義○二習氣相續竟下三業苦相續分二一親疎緣

義。

復次生死相續由惑業苦。發業潤生煩惱名感。能感後有諸業名業。業所引生衆苦名苦。惑業苦種皆名習氣。前二習氣與生死苦爲增上緣。助生苦故。第三習氣望生死苦能作因緣。親生苦故。須三習氣如應當知。惑苦名取能所取故取是著義業不得名俱等餘文義如前釋。

釋生死相續由惑業苦。無明一支發業。愛取二支潤生。此二煩惱總名爲感。行有一支名諸業識等。五支及生等二支總名爲苦。惑業苦三攝二習氣。

無明愛取識等生等卽是我執名言二習氣行。有一支是業習氣。前一下明惑業苦三屬二種緣。前二習氣者卽上惑業二種也。以業煩惱唯能助感。名增上緣。第三習氣者卽上苦種也。以此苦種親生苦果。故名因緣。須三習氣如應當知者。惑苦二種。卽是二取業種。卽是諸業習氣。惑苦下。釋三習氣名義有別。惑卽無明愛取名能取。苦是苦果名所取。故惑與苦俱名爲取。業不名取無著義故。○一親疎緣義竟。下一感等攝支分四。牒前標舉。此惑業苦應知總攝十二有支。謂從無明乃至老死。

十二支者。一無明。一行。三識。四名色。五六入。六觸。
七受。八愛。九取。十有十一。生。十二老死。無明以行。
蘊中癡爲體。行以身語意思爲體。識以八種識爲
體。名色以五蘊爲體。六入以六根爲體。觸體卽徧
行中觸。受體卽徧行中受。愛體卽三界貪。取體通
取煩惱。有體卽識等五。及行支種。生體卽識等五
現。老死體卽生支變滅。○牒前標舉竟。下二能
所各二。

然十二支略攝爲四。一能引支。謂無明行。能引識等。

五衆種故。此中無明唯取能發。正感後世善惡業者。
卽彼所發。乃名爲行。由此一切順現受業。別助當業。
皆非行支。

無明與行是過去二支因。故名能引。能引識名色。
聖六入觸受五種果故。此中無明能發。行故行爲業。
業者有善惡故。卽彼下別釋行支名正感義。謂行感。
則後世故。非順現受業行。旣名正感故。非別助當業。
五所引支。謂本識內親生。當來異熟果攝識等五種。
是前二支所引發故。此中識種。謂本識因。除後三因。
餘因皆是名色種攝。後之三因。如名次第。卽後三種。

80 1 2 3 4 5 6 7 8 9 100 1 2 3 4 5 6 7 8 9

或名色種總攝五因。於中隨勝立餘四種六處與識。總別亦然。集論說識亦是能引。識中業種名識支故。異熟識種名色攝故。經說識支通能所引。業種識種俱名識故。識是名色依非名色攝故。識等五種由業熏發。雖實同時而依主伴總別勝劣因果相異。故諸聖教假說前後。或依當來現起分位。有次第故說有前後。由斯識等亦說現行因時定無現行義故。復由此說生引同時。潤未潤時必不俱故。

此是現在五支果故名所引。卽識名色六入觸受五支。是前無明與行所引發故。此中下明識五種。

有攝不攝義。此中識種謂本識因者以異熟有三。謂異熟識異熟生異熟色。異熟識種望識現行名本識因。除後三因餘因皆是名色種攝者謂餘異熟生異熟色名餘因。名種攝異熟生色種攝異熟色後三因者卽六入觸受故云如後三種或名色種總攝五因者未正。名攝識觸受三因色攝六處一因兼名色支共成五因。所言因者卽種子義。於中隨勝立餘四種者隨六處支色中義勝隨識觸受三支名中義勝。六處與識總別亦然者總卽名色支別開色爲六處支名爲識支。集論下執者引

80 1 2 3 4 5 6 7 8 9 100 1 2 3 4 5 6 7 8 9

證名色種攝識支義論說識爲能引者謂行業種卽是識故識中業種旣名識支則異熟識種不屬識支而當名色所攝展轉遷變理必應然經說下論王引緣起經以通集論之妨業爲能引識爲所引由業熏識招於當識故說業種識種俱名識故以此觀之不同集論唯是能引無識支義識是名色依非名色攝故者論王破前執名色支攝識支義問經說業識俱名爲識亦可業識俱名爲業以同時故豈不互名識等下答謂識等五由業熏發雖實同時而依王伴等相各異故謂識是王是總潤未潤時必不俱故

三能生支謂愛取有近生當來生老死故謂緣迷內異熟果愚發正能招後有諸業爲緣引發親生當來生老死位五果種已復依迷外增上果愚緣境界受

發起貪愛緣愛復生欲等四取。愛取合潤能引業種及所引因轉名爲有。俱能近有後有果故。有處唯說業種名。有此能正感異熟果故。復有唯說五種名。有親生當來識等種故。

此是現在三支因故。名能生。瑜伽十卷依二種緣建立緣。起次第。文繁不錄。今詳此論。是從無明發起諸行。由行引發識等五果。又於果上復起無明於所緣境領受生愛。愛後執取。愛取合潤。卽前能引行業及所引識等五果。轉名爲有。以行及識名色六入觸受。六支俱能近有後有生等果故。故後

章云已潤六支合爲有。故又四取者。一欲取。二見取。三戒取。四我語取。有處下二義釋。有支雖未盡理。亦不相違。

四所生支。謂生老死。是愛取有近所生故。謂從中有至本有中。未衰變來。皆生支攝。諸衰變位。總名爲老。身壞命終。乃名爲死。老非定有。附死立支。此是未來二支果。故名所生。謂從下釋成生老死位次第。離脫前身。未投後陰。名爲中有。後身已生。名爲本有。○二能所各二竟。下三問答廣明。病何非支。不偏定故。老雖不定偏故。立支。諸界趣生。

除中天者將終皆有衰朽行故名色不徧何故立支定故立支胎外濕生者六處未滿定有名色故又名色支亦是徧有有色化生初受生位雖具五根而未有用爾時未名六處支故初生無色雖定有意根而不明了未名意處故由斯論說十二有支一切一分上二界有愛非徧有寧別立支生惡趣者不愛彼故定故別立不求無有生善趣者定有愛故不還潤生愛雖不起然如彼取定有種故又愛亦徧生惡趣者於現我境亦有愛故依無希求惡趣身愛經說非有非彼全無

病何非支問也不徧定故答也謂病不徧亦不定有故不立支問老不定有何故立支答老雖不定容有徧義故附死立諸界下釋成老有徧義名色不徧何故立支者質也以無色界無色支故故云不徧定故立支者釋也謂名色支一定有故故別立支以名色支在六處前六處未滿皆屬名色又名色支亦徧有故言未名六處及未名意處者顯是名色支攝由斯下引證十二有支徧三界有則非徧定故別立下答謂唯不求者無有愛故若生

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

善趣定有愛支。問第三果人不起貪愛何非不徧。
答不還果人雖不起愛。然取潤生定有愛種。又愛
下。答愛支亦徧有也。謂生惡趣於順我境亦生愛
故。依無下釋經中意。

何緣所生立生老死。所引別立識等五支。因位難知
差別相故。依當果位別立五支。謂續生時因識相顯。
次根未溝名色相增。次根溝時六處明盛。依斯發觸。
因觸起受。爾時乃名受果究竟。依此果位立因爲五。
果位易了差別相故。總立二支以顯三苦。然所生果
若在未來爲生厭故說生老死。若至現在爲令了知

分位相生說識等五。

問答以明因果位別也。謂在因時難知。當今果位
顯了。故立五支令其易曉。以在果位易了差別相
故立生老死令生厭故。謂續生下。釋立五支二支
次第名義。名五因者。以有續生後果功能故。言三
苦者。生卽行苦。老卽苦苦。死卽壞苦。然所生下。結
上二世生果立名。未來名三苦令生厭故。現在分
五支令易知故。

何緣發業。總立無明。潤業位中。別立愛取。雖諸煩惱
皆能發潤。而發業位無明力增。以具十一殊勝事故。

謂所緣等廣如經說。於潤業位愛力偏增。說愛如水能沃潤故。要數溉灌方生有芽。且依初後分愛取二無重發義立一無明。雖取支中攝諸煩惱而愛潤勝說是愛增。

問答以明發業潤業別義。發業者業初起也。以無明懵重故能發業。潤業者業成就也。以愛取情況故能沃潤。十一殊勝事者。一所緣二行相三因緣四等起五轉異六邪行七相狀八作業九障礙十隨轉十一對治。且依初後者謂數數溉灌必有初後取是著義以初於境唯立愛名後於境中有取

著義故依初後分愛取二無明發業一發則已故無二義間既分愛取何云愛力偏增答云雖取支中等。

諸緣起支皆依自地有所發行依他無明。如下無明發上地行不尔初伏下地染者所起上定應非行支彼地無明猶未起故從上下地生下上者彼緣何受釋無明緣行等義如下無明發上行者例無明發行必依他地不尔下引辯謂伏下地無明能起上地定行若不許依他無明能發行者彼上地定應

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

非行支。若謂自地無明發自地行彼地無明猶未起故何有所伏能起彼定。問從上生下下生上者緣何地受而起愛支。答云亦緣當生地受者例同無明依他地義。

此十二支十因二果定不同世。因中前七與愛取有或異或同。若二三七各定同世。如是十二一重因果足顯輪轉及離斷常施設兩重實爲無用。或應過此便致無窮。

釋上因果同世異世。謂無明至有爲十因是現在生與老死爲二果是未來故云定不同世。因中前

七與愛取有已潤則受現報現報定是同時故云或同。未潤則受後報後報便成異世故云或異。若二三七各定同世者二即生老死同屬未來三即愛取有同屬現在七即無明等亦同現在故各同世。如是下結顯一重因果輪轉義成離斷常過謂果生非斷因減非常施設兩重者過去二支因現 在五支果現在三支因未來二支果意在顯輪轉離斷常立一因果則已故云兩重實爲無用或應過此便致無窮者顯因果之多。○三問答廣明竟
下四分屬諸門有十五章。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

此十二支義門別者九實三假已潤六支合爲有故卽識等五三相位別名生等故五是一事謂無明識觸受愛五餘非一事三唯是染煩惱性故七唯不染異熟果故七分位中容起染故假說通二餘通二種無明愛取說名獨相不與餘支相交雜故餘是雜相六唯非色謂無明識觸受愛取餘通二種皆是有漏唯有爲攝無漏無爲非有支故無明愛取唯通不善有漏無記行唯善惡有通善惡無漏無記餘七唯是無漏無記七分位中亦起善染

第一假實門謂有生老死三支是假餘九是實

潤六支卽行識名色六入觸受是已潤果合爲有者業從已潤和合妄造故說業有是假卽識等五三相位別名生等故亦顯生等二支依識等五支假立三相別者卽生老死增長名生衰變名老壞位名死五是下第二非一門瑜伽云幾是一事爲自性謂五故今論云無明識等一見分事餘非一事者卽行等七支是也三唯下第三染不染門三者無明愛取是煩惱性故名唯染七者識等五支生等二支是異熟果屬無記性名爲不染若客起染假說通二餘通二種者行有二支染不染

80 1 2 3 4 5 6 7 8 9 100 1 2 3 4 5 6 7 8 9

故無明下。第四獨相維相門。無明愛取純是染故。
名爲獨相。行等九支通善染。故名爲維相。六唯下。
第五色非色門。非色卽心。故無明等六唯屬心法。
識是心王。無明愛取是染心所觸受二支偏行心
所。餘通二種者行等六支通色心故。皆是下。第六
漏無漏門。無明下。第七四性門。無明愛取是染心
所。唯通不善。有覆無記。行是業種。故唯善惡。有雖
亦業。以是行支及識等五支合爲有故。依行支故。
通說善惡。依識等五說無覆無記。言餘七者。卽識
等五。生等二。是異熟果。唯無覆性。若起善染。亦通

三性

雖皆通三界而有分有全。上地行支能伏下地。卽麤
苦等六種行相。有求上生而起彼故。一切皆唯非學
無學。聖者所起有漏善業。明爲緣故。違有支故。非有
支攝。由此應知聖必不造感。後有業於後苦果不迷
求。故雜修靜慮資下故業。生淨居等。於理無違。

雖皆下第八三界門。謂欲界中。一切支全。色無色
界。一切支分上地下。釋上二界。一切支一分義。六
行相者。一苦。謂身中所起心數。緣於貪欲不能出
離。是因苦。欲界俱身饑渴寒熱病痛刀杖等種種。

80 1 2 3 4 5 6 7 8 9

100 1 2 3 4 5 6 7 8 9

所逼是果苦。二麤謂欲界五塵能起衆惡是因麤此身爲三十六物屎尿臭穢之所成就是果麤三障。謂煩惱障覆蔽真性不能顯發是因障。此身質礙不得自在是果障。四勝淨亦曰謂厭欲界下劣貪欲之苦卽欣初禪上勝禪定之樂是因勝復厭欲界饑渴等苦卽欣初禪禪味之樂是果勝五妙謂既厭欲界貪欲五塵之樂心亂馳動爲麤卽欣初禪禪定之樂心定不動是因妙復厭欲界臭穢之身爲麤卽欣受得初禪之身如鏡中像雖有形色無有質礙是果妙六出亦曰離謂既厭欲界煩惱益

障卽欣初禪心得出離是因出復厭欲界之身質礙不得自在卽欣初禪獲得五通之身自在無礙是果出所謂厭下苦麤障欣上勝妙出是求上生者所起六種行相也一切下第九學無學門謂十二支非是學與無學聖人所有彼有漏善以明爲緣卽與有支相違不造後業故於苦果亦不迷求問不惑後有何生上界荅雜修等有漏天中修無漏名爲雜修言故業者乃無雲福生廣果三天之業。

有義無明唯見所斷要迷諦理能發行故聖必不造

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

後有業故愛取二支唯修所斷貪求當有而潤生故九種命終心俱生愛俱故餘九皆通見修所斷。

第十見修門此義未正謂無明支唯見道斷無修道斷要迷下釋諸聖者無有無明不迷諦理不發行業故於後有亦不迷造愛取二支唯修斷者顯是俱生無見所斷引九種心證唯俱生雜集論云相續力者有九種命終心與自體愛相應於三界中各令欲色無色界生相續一者從欲界沒還生欲界節以欲界自體愛相應命終心結生相續二者從欲界沒若生色界節以色界自體愛相應命終心結生相續二者從欲界沒若生無色界節以無色界自體愛相應命終心結生相續如是欲界沒有三種色界無色界沒各有三種共成九種有義一切皆通二斷論說預流果已斷一切一分有支無全斷者故若無明支唯見所斷寧說預流無全斷者若愛取支唯修所斷寧說彼已斷一切支一分又說全界一切煩惱皆能結生往惡趣行唯分別起煩惱能發不言潤生唯修所斷謂感後有行皆見所斷發由此故知無明愛取三支亦通見修所斷然無明支正發行者唯見所斷助者不定愛取二支正潤

生者。唯修所斷。助者不定。

正義破前謂十二支通見修斷論說下引瑜伽證若無下破唯見斷。若愛下破唯修斷。又說下復引論意證前無明正發行者唯見所斷。不說愛取唯修斷也。全世界卽三界也。謂三界中一切煩惱皆能結生往惡趣行。唯分別起無明能發。不言潤生愛取煩惱。唯修所斷。復釋云。謂論中說感後有行皆見所斷無明能發。由此下結顯正義。一斷俱通然無明下釋無明愛取有正有助。若依正發正潤故有唯見唯修二斷今據助者不定亦通見修。

又染污法自性應斷。對治起時彼永斷故。一切有漏不染污法非性應斷。不違道故然有二義說之爲斷。一離縛故謂斷緣彼雜彼煩惱。二不生故謂斷彼依令永不起。依離縛斷說有漏善無覆無記唯修所斷。依不生斷說諸惡趣無想定等。唯見所斷說十二支通二斷者於前諸斷如應當知。

又染下明染法應斷。一切下明淨法理不應斷。然有二義說之爲斷。一離縛下謂前六識中所起施等有漏善法。被第七識念念執我不能亡相名縛。斷彼名離故釋云。謂斷緣彼雜彼煩惱。二彼字俱

指不染汚法。卽第八無覆無記性。并前六識中有
漏善法。被第七識緣而執我故曰緣彼無記之法
受染法熏故曰雜彼。一不生下。謂善與無覆無記
法以諸趣爲依斷。彼依時自不生矣。依離下釋不
染亦通二種斷。善與無覆等覺方斷故唯修斷。惡
趣無想是彼所依。一真見道永不生故故見所斷
說十二下結顯前說十二有支。一切皆通見修所
斷。

十樂捨俱受不與受共相應故老死位中多分無樂
及客捨故十一苦俱非受俱故。十一少分壞苦所攝

老死位中多無樂受。依樂立壞故不說之。十二少分
苦苦所攝一切支中有苦受故。十二全分行苦所攝
諸有漏法皆行苦故。依捨受說十一少分除老死文
如壞苦說實義如是諸聖教中隨彼相增所說不定。
皆苦諦攝取蘊性故五亦集諦攝業煩惱性故。

十樂捨下十一三受門謂除受支及老死支餘十
俱通樂捨二受以受不與受俱故老死位中雖能
容捨多無樂受故亦除之。又除受支餘十一支苦
受俱故觀此論文十二支中唯除受支非三受俱
又老死支雖非樂受俱然通苦捨受其餘十支三

受俱通。十一少分下。十二三苦門。謂除老死餘十
一支各有少分是壞苦攝。問。何除老死支。答。壞苦
因樂以樂壞時其苦必至。名爲壞樂之苦。依樂立
壞不說。老死以老死支多無樂故。又十二支各有
少分苦苦所攝。以一切支非全苦故。又十二支全
分俱是行苦所攝。以諸有漏是行苦故。依捨受說
者。謂此三苦同上三受。壞苦同樂受。苦苦同苦受。
行苦同捨受。以彼捨受不違苦樂。則此行苦總前
二苦。各攝少分合爲全分。又說苦苦是苦果。雜集
云。苦受卽用苦體爲自相。故名苦苦性壞苦是苦。

因雜集云。此中樂受及隨順樂受法於變壞位能
生憂惱。故樂變壞是壞苦因。行苦是苦種。以行是
業。名業種。故雜集云。謂苦壞二苦。麤重所隨故。以
麤重言。卽種子義。十一少分除老死支如壞苦說
者。謂此行苦單隨壞苦故。亦除老死唯十一少分。
實義下結前教意。如文皆苦諦下十三四諦門。謂
無十二支屬流轉門。是取蘊性。唯苦諦攝五亦集諦
攝者。行有二支無明愛取合有五支。是業煩惱亦
云通集諦。

80 1 2 3 4 5 6 7 8 9 100 1 2 3 4 5 6 7 8 9

唯說有一愛望於取。有希望於生。有因緣義。若說識支是業種者。行望於識亦作因緣。餘支相望無因緣義。而集論說無明。望行有因緣者。依無明時業習氣說。無明俱故。假說無明實是行種。瑜伽論說諸支相望無因緣者。依現愛取唯業有說。

十四四緣門。謂十二有支相望。增上定有。以彼增上緣體寬故。故緣起經唯說有一餘之三緣。有無不定者。以餘三緣其義局故。故略不說。問何名因緣。有無不定文中答釋有三。一答實有。二明不定。三例餘支愛望下。釋因緣有無不定義。愛望於取。

有因緣者。愛增爲取也。以初愛時。愛是種子。愛後方取。取是現行。故愛是取家之種子。取是愛家之現行。有因緣義。有望於生。有因緣者。誠增爲有也。以彼有支元無別體。由愛取潤識等五種成有支故。有卽識種。生卽識。現識種有支。生生識現有因緣義。此一答實有也。若說下謂若以識種爲識支。則行望於識。但有增上。今以業種爲識支。則行望於識。有因緣義。此二明不定也。餘支相望無因緣者。謂無明。名色六處觸受。老死諸支相望俱非因緣。此三例餘支也。問餘既無因緣。何故論說無明。

望行有因緣義。答云。而集論說無明望行等謂無明時。行業習氣與無明但假說無明。實是行種與行爲因立因緣故。問既愛望取及有望生有因緣者何故。論說諸支相望無因緣耶。答云。瑜伽依現愛取唯業有說。依現愛取者會上愛望於取得有因緣。今以現行之愛望現行取非彼自種故。非因緣。唯業有說者會上有望於生得有因緣。今唯業種望生現行業非識故。但有增上無因緣理。問因緣已辯。云何所緣及等無間有無不定下文答釋無明望行愛望於取生望老死有餘二緣。有希望於生。

受望於愛無等無間。有所緣緣餘支相望一俱非。有此中且依隣近順次不相雜亂實緣起說異此相望爲緣不定。諸聰慧者如理應思。

釋等無間及所緣緣有無不定義。無明望行愛望於取。生望老死有二緣者。此據現行望現行也。以無明發行行卽無明。無明心滅引生行心愛增爲取。取即是愛。前愛心滅引生後取。生及老死但是識與名色增長衰變。增長心滅引生衰變。故此三位有等無間。又行心得緣無明。取卽緣愛。老死緣生則無明支與愛及生爲行取二。及老死支所

緣緣故此明三位具二緣也有望於生受望於愛無等無間有所緣緣者此據種子望現行也有支業種望生現行及樂受種望愛現行無等無間者以無間緣唯是現行引生現行非種子故又生現行從有種生得緣種子愛現亦然故有種受種與生現愛現爲所緣緣此明二位具一緣也餘支相望二俱非有者此據種子望種子也謂行望於識識望名色名色望六入六入望觸觸望受支取望有支此中六位相望共有八支俱是種子謂行爲識因識等五支皆是種子取爲有因有亦種子既

非現行引生現行無等無間種無能緣無所緣緣此明餘支無二緣也總上具二具一及與不具故此二緣有無不定此中下總結十二有支於四緣中唯依四義立緣起義一曰隣近卽無明隣行行近識等二曰順次卽無明乃至老死三曰不雜卽無明唯是無明不雜行業行不雜識等四曰實說唯據各支實種現說無假借說異此相望爲緣不定者異上四義爲四種緣義多不定異上隣近則爲隔越如於一支越一越二越多支故異上順次則爲逆次如從老死乃至無明異上不雜則爲雜

亂。如說業種名識支故異上實說則爲假說。如集論說無明俱時思業習氣實是行種假說無明。此上隅越逆次雜亂假說四義清涼疏中詳明文繁不引。故復結云諸聰慧者如理應思。

感業苦三攝十二者無明愛取是感所攝行有一分是業所攝七有一分是苦所攝有處說業全攝有者應知彼依業有說故有處說識業所攝者彼說業種爲識支故感業所招獨名苦者唯苦諦攝爲生厭故由感業苦卽十二支故此能令生死相續。

十五感業苦門無明愛取是染心所故感所攝行

有一支招感後果故業所攝問有支何唯一分答有通業苦故各一分識等生等及有一分是取蘊性故苦所攝又說有支是已潤六支合爲有故一分隨業一分隨苦有處下釋餘論中義謂彼說業全攝有者依業有說不依苦有又說識支是業所攝非苦攝者彼依論說識中業種名識支故感業能招苦是所招爲今生厭故立苦名由感下結答前問生死相續義○四分屬諸門竟通上三業苦相續竟下四因緣相續分三一正明因緣復次生死相續由內因緣不待外緣故唯有識因謂

有漏無漏二業正感生死故說爲因緣謂煩惱所知
二障助感生死故說爲緣所以者何。生死有二。一分
段生死。謂諸有漏善不善業由煩惱障緣助勢力所
感三界麤異熟果身命短長隨因緣力有定齊限故
名分段。二不思議變易生死謂諸無漏有分別業由
所知障緣助勢力所感殊勝細異熟果由悲願力改
轉身命無定齊限故名變易無漏定願正所資感妙
用難測名不思議或名意成身隨意願成故如契經
說如取爲緣有漏業因續後有者而生三有。如是無
明習地爲緣無漏業因有阿羅漢獨覺已得自在菩

薩生三種意成身亦名變化身無漏定力轉令異本
如變化故。

立內因緣破彼執外顯續生死不離唯識因謂下。
釋內因緣感生死苦故以二業爲親因名爲正感。
二障爲疎緣名爲助感所以者何。微釋上義生死
有二者總標文中別釋分段生死者有漏業因煩
惱障緣有定限故變易生死者無漏業因所知障
緣無定限故有分別業即悲願恩也以悲願心分
別衆生度非度理由悲願下釋變易名間改轉身
命唯名變易何名生死耶。答覺知力盡名死入定

還資名生。無漏定下。釋不思議名。或以變易生死。
名意成身。隨彼度生意願成故。此中二果。一業爲
正感之因。一障爲助感之緣者。唯依等流果說。若
依異熟果。必以二障爲正因緣。二業但爲助感增
上緣也。如契經下引證。二種生死各有三種身。取
卽煩惱障。故說爲緣。三有卽三身。謂本有身。中有
身。後有身。無明習地。卽所知障。亦說爲緣。三種意
成身者。謂阿羅漢得三昧樂意成身。獨覺得覺法
自性意成身。已得自在菩薩得俱生無作意成身。

○一正明因緣竟下二問答廣辯

如有論說聲聞無學。永盡後有云何能證無上菩提。
依變化身證無上覺。非業報身故不違理。若所知障
助無漏業能感生死。二乘定性應不永入無餘涅槃。
如諸異生拘煩惱故。如何道諦實能感苦。誰言實感
不尔如何。無漏定願資有漏業令所得果相續長時。
展轉增勝。假說名感。如是感時。由所知障爲緣助力。
非獨能感。然所知障不障解脫。無能發業潤生用故。
如有下問也。謂無學人身智俱泯。云何能證菩提。
依變化下答也。業報身最後身也。旣盡後有依變
化身證無上覺。不違理故。若所知下小乘難問。無

餘涅槃。二乘極果也。謂二乘人既有所知障在常感生死。如諸異生拘煩惱性應不永入無餘涅槃。如何聖道。二乘實能感苦。誰言實感者論王質辯不尗如何者。小乘復問。無漏定願資有漏業者論主釋。地上菩薩異熟識中善染種子名有漏業。故以所知障願資助假說名感。如是下釋但助感然所下釋不能感。總此三義釋所知障不能實感生死。

何用資感生死苦爲。自證菩提利樂他故。謂不定性獨覺聲聞及得自在大願菩薩已永斷伏煩惱障故。

無容復受當分段身。恐廢長時修菩薩行。遂以無漏勝定願力。如延壽法資現身因令彼長時與果不絕。數數如是定願資助乃至證得無上菩提。

何用下外人問。自證下論王答。謂不定性等者。釋自證菩提及利樂他義。不定性者。迴向大乘獨覺聲聞得自在者。尤地菩薩得心自在。十地菩薩得法自在。迴心聲聞煩惱永斷。自在菩薩煩惱永伏。無由發潤當分段身。恐廢下釋資變易生死宗鏡云成二利故。更須資身。勝定願力者。定卽無漏業。願卽所知障。資變易身爲因。令彼長時與果不絕。

80 1 2 3 4 5 6 7 8 9 100 1 2 3 4 5 6 7 8 9

數數資助得證菩提

彼復何須所知障助。既未圓證無相大悲不執菩提。有情實有無由發起猛利悲願。又所知障障大菩提。爲永斷除留身久住。又所知障爲有漏依。此障若無。彼定非有。故於身住有大助力。若所留身有漏定願。所資助者分段身攝。二乘異生所知境故無漏定願。所資助者變易身攝。非彼境故。由此應知變易生死。性是有漏異熟果攝。於無漏業是增上果。有聖教中說爲無漏出三界者。隨助因說。

彼復下外人問。旣未圓證下論主釋宗鏡云。旣未

圓證無相大悲。一味平等之解。若不執菩提可求。有情可度。無有因由發起猛利大悲及猛利願。以所知障可求可度。執爲先方能發起無漏有分別業。故說與業爲因。應知執有菩提及又有情名所知障。卽所知障發起悲願轉名爲業。又所知下釋所知障有大助力。六七法執名所知障。念念起執令異熟法成有漏故。所知障爲有漏依助有漏法。令身久住。若所留身下釋所知障通二種身。四禪四空有漏定願。卽所知障與煩惱障資有漏業。感分段身。有學二乘。未離界繫。與諸異生共所知。

故無學聲聞自在菩薩無漏定願亦所知障資無漏業感變易身非彼有學異生知境由此下結成所知障通二種果卽二種身謂所知障雖感無漏變易生死爲增上果而能感之性卽所知障原是有漏異熟果中正因緣攝故云於無漏業是增上果聖說所知出三界者是隨助感善無漏業增上緣說若所知障作正因緣感異熟果界內界外俱得通故如阿羅漢斷盡煩惱出於三界而有所知資無漏業感變易身名異熟果是有漏性故通界外○二問答廣辯竟下三牒釋頌意

頌中所言諸業貢氣卽前所說二業種子二取習氣卽前所說二障種子俱執著故俱等餘文義如前釋變易生死雖無分段前後異熟別盡別生而數資助前後改轉亦有前盡餘復生義雖亦由現生死相續而種定有頌偏說之或爲顯示真異熟因果皆不離本識故不說現現異熟因不卽與果轉識間斷非異熟故

牒上頌詞以合論意二業卽有漏無漏業也二障卽煩惱所知障也俱字等義前已釋過問既名變易生死還有前後異熟果否答云變易生死乃至

亦有前盡餘復生者以釋頌中後二句義問生死相續是現行義何故頌中唯說習氣種子。答云雖亦由現生死相續而三習氣種子定有故頌偏說真異熟者卽第八識謂或唯顯第八爲因不說現起前七轉識問第八現識亦可爲因何偏說種答現異熟因不卽與果以前滅已後果方生問既名轉識相續義成答轉識有間斷非異熟因故故頌說種子與現果爲因有生死相續。

前中後際生死輪迴不待外緣旣由內識淨法相續應知亦然謂無始來依附本識有無漏種由轉識等數熏發漸漸增勝乃至究竟得成佛時轉捨本來雜染識種轉得始起清淨種識任持一切功德種子由本願力盡未來際起諸妙用相續無窮由此應知唯有內識。

前中後際下謂染生死不待外緣淨法相續亦由內識謂無始下釋上淨法相續亦由內識不待外緣以顯染淨皆唯識義。○四因緣相續竟通上三生死相續竟下四經說三性分三一牒義標問若唯有識何故世尊處處經中說有三性。

80 1 2 3 4 5 6 7 8 9 100 1 2 3 4 5 6 7 8 9

經說有三性而言唯識者與教相違故發此問。○
一牒義標問竟。下二總答舉頌。

應知三性亦不離識所以者何。

頌曰 由彼彼徧計 徧計種種物 此徧計所執
自性無所有 依他起自性 分別緣所生
圓成實於彼 常遠離前性 故此與依他
非異非不異 如無常等性 非不見此彼
初句頌能計之心第二句頌所計之境第三四句
頌能所俱空第五六句頌依他起性卽見相二分
從虛妄分別爲緣生故第七八句頌圓成實於依

他起上常遠離前徧計所執能取所取卽彼一空
所顯之性名圓成實九句十句頌圓成實與依他
起不卽不離第十一句喻上非異非不異義第十
二句謂非不證見此圓成實性而能了彼依他起
性如幻事等○二總答舉頌竟下三解釋頌意分
三二正釋頌意分五一釋前四句分二一釋頌意
論曰周徧計度故名徧計品類衆多說爲彼彼謂能
徧計虛妄分別卽由彼彼虛妄分別徧計種種所徧
計物謂所妄執蘊處界等若法若我自性差別此所
妄執自性差別總名徧計所執自性如是自性都無

80 1 2 3 4 5 6 7 8 9 100 1 2 3 4 5 6 7 8 9

所有理教推徵不可得故或初句顯能偏計識第二句示所偏計境後半方申偏計所執若我若法自性非有已廣顯彼不可得故

此中總釋前四句頌周偏下釋第一句名虛妄心爲能偏計卽由下牒第一句義復釋第二句爲所偏計卽是五蘊十二處十八界等或執爲法或執爲我是偏計自性別執爲斷別執爲常是偏計差別此所下釋第三四句總顯能所取空不可得故或初下復略別釋前四句頌謂偏計性前總釋文中已廣顯不可得義○一釋頌意竟下一辨能所

初能偏計自性云何有義八識及諸心所有漏攝者皆能偏計虛妄分別爲自性故皆似所取能取現故說阿賴耶以偏計所執自性妄執種爲所緣故有義第六第七心品執我法者是能偏計唯說意識能偏計故意及意識名意識故計度分別能偏計故執我法者必是慧故二執必與無明俱故不說無明有善性故癡無癡等不相應故不見有執導空智故執有執無不俱起故會無有執非能熏故

問答以明能偏計之心也初義卽安慧師未正謂八種識及諸心所皆能偏計在有漏位皆以虛妄

分別爲自性故皆似妄執所取能取現故復引經說阿賴耶識以偏計性妄執識中種子爲所緣故次義護法師正理謂第六七及彼心所執我執法爲能偏計唯說下引證意卽第七意識卽第六計度分別能偏計者顯是第六執我法者必是慧故兼顯第七六七二識俱慧心所故能起執一執下謂第六七識執我執法必無明俱旣諸心所皆能偏計諸心所中有善心所故破云不說無明有善性故問何名善性答謂無癡等復難云癡無癡等不相應故導空智卽是行捨名爲寂靜故破云不見有執是導空智執有執無卽是有執無執導空旣無執不與有執俱起非能熏者卽是所熏破執第八是能偏計意云曾無有執是所熏故
有漏心等不證實故一切皆名虛妄分別雖似所取能取相現而非一切能偏計攝勿無漏心亦有執故如來後得應有執故經說佛智現身土等種種影像如鏡等故若無緣用應非智等雖說藏識緣偏計種而不說唯故非誠證由斯理趣唯於第六第七心品有能偏計識品雖一而有二三四五六七八九十等偏計不同故言彼彼

釋前師執有漏心等虛妄分別皆能徧計義謂有漏位心心所法不證圓成實理故名虛妄雖似妄執能所相現而非一切皆能徧計意顯亦有不徧計者在前師據似能所取執心心所皆能徧計故此難云勿無漏心亦有執故如來後得應有執故以後得智亦有似能所義經說下引證後得智中似能所現如鏡等者謂雖現像不執實有若謂如來無能所緣應非有智及所緣境雖說下謂彼經中雖說藏識緣徧計執所熏之種不說唯緣種子不緣餘境故非誠證由斯下結顯能徧計正義謂

唯六七相應心品有能徧計餘識不能應知有四料棟一有徧非計如無漏心有漏善識能徧廣緣而非計執二有計非徧如有漏第七唯緣第八非徧起我法執有計三亦徧亦計謂衆生心卽第六識通緣内外曰徧恒起我法曰計四非徧非計卽有漏五識及第八識各了自境非徧不起分別非計識品雖二而有二乃至十等言二者一名二義三者一分別戲論所依緣二見及慢三貪瞋癡四者一自相二差別三所取相四能取相五者一依名徧計義二依義徧計名三依名徧計名四依義

80 1 2 3 4 5 6 7 8 9 100 1 2 3 4 5 6 7 8 9

偏計義五依二偏計二六者。一自性。二差別。三覺悟。四隨眠。五加行。六名七者。卽前第六名偏計中所攝。一有爲。二無爲。三常。四無常。五善。六不善。七無記。八者。一自性。二差別。三總持。四我。五我所。六愛。七不愛。八愛不愛俱違。九者。亦前第六名偏計中所攝。一此爲何物。二云何此物。三此是何物。四此物云何。五或爲色蘊。六或爲受蘊。七或爲想蘊。八或爲行蘊。九或爲識蘊。十者。卽前六種偏計中前五種及五加行偏計中復有五種。一貪愛。二瞋恚。三合會。四別種。五隨捨。通爲十也。

次所偏計自性云何。攝大乘說是依他起。偏計心等所緣緣故。圓成實性寧非彼境。真非妄執所緣境故。依展轉說亦所偏計偏計所執。雖是彼境而非所緣緣故。非所偏計。

問答以明所偏計之境也。圓成下外人問。真非下論。王答謂圓成是真。偏計是妄。非彼所緣。依展轉下是縱詞。謂圓成實與依他起不即不離。若依他起是偏計性之所執。則圓成實亦可爲偏計所執。復奪破云。雖是彼境而非所緣緣故。非所偏計。以真必不引生妄故。○二辯能所竟通上一釋前四

句竟下二釋第五句

徧計所執其相云何與依他起復有何別。有義三界心及心所由無始來虛妄熏習雖各體一而似二生。謂見相分卽能所取。如是二分情有理無此相說爲徧計所執。二所依體實託緣生此性非無名依他起虛妄分別緣所生故云何知然諸聖教說虛妄分別是依他起。二取名爲徧計所執。

徧計所執前云謂所妄執蘊處界等蘊等卽依他故問何別有義下是安慧答詞未正謂見相分虛妄熏習情有理無此相說爲徧計所執者相卽見分別等。

相二分之相徧計卽見分所執卽相分二所依下釋依他起二卽見相二分所依之體卽自證分實託緣生名依他起問云何知然答諸聖教說虛妄分別等。有義一切心及心所由熏習力所變二分從緣生故亦依他起。徧計依斯妄執定實有無一異俱不俱等此二方名徧計所執諸聖教說唯量唯二種種皆名依他起故又相等四法十一識等論皆說爲依他起攝故不尗無漏後得智品二分應名徧計所執許應聖智不緣彼生緣彼智品應非道諦不許應知有漏

亦尔。

正義破前。謂見相分皆是一切心心所法熏習所變從衆緣生。亦依他起。何執見相爲徧計性。又徧計性依見相分。妄執有無一異等。此有無一及二異等二方名徧計所執。豈以見相二分名爲徧計所執。諸聖下引證依他起非唯一種義攝論云云。何成立諸識爲唯識。略說有三相。一者唯量。義無所有故。二者唯二。謂有相及見識故。三者唯種種。謂種種相生起故。天親釋云。唯量者唯是識量。一切諸識皆唯識量由所識義無所有故。唯二者成立有相及見故。卽此一識一分成相。第二分成見。此是眼等識二分故。唯種種者。卽此一識所起六塵識爲相。意識爲見。意識境不定故。說唯種種。是故一識能別爲見。所別爲相。總不離識得成唯識。復引論證難破前執相等四法。卽相見自證及證自證分也。十一識等者。一身識。謂眼等五界。二身者識。謂染汚識。三受者識。謂意界。四應受識。謂色等六外界。五正受識。謂六識界。六世識。謂生死相續不斷識。七數識。謂從一至阿僧祇。八處識。謂眾世間九言說識。謂見聞覺知四種言說。此等九識。

80 1 2 3 4 5 6 7 8 9 100 1 2 3 4 5 6 7 8 9

皆是依止見聞等名言熏習差別爲因。十自他差別識。謂依止身差別。以我見熏習爲因。十一善惡兩道生死識。謂生死趣無量種。從有支熏習種子生已上諸相論皆說爲依他起攝。曾不說爲偏計所執故。不尔者。謂若不以見相爲依他必爲偏計者。故難云無漏等。以無漏心亦有二分許智二分是偏計執應。聖智不緣二分生緣二分智應非道諦。不許智品二分是偏計執應。知有漏二分亦非偏計。既非偏計。豈不爲依他。

又若二分是偏計所執應如鬼角等。非所緣緣。偏計

所執體非有故。又應二分不熏成種。後識等生應無二分。又諸習氣是相分攝。豈非有法能作因緣。若緣所生內相見分非依他起。一所依體例亦應然。無異因故。由斯理趣衆緣所生心心所體及相見分有漏無漏皆依他起。依他衆緣而得起故。

此以喻破偏計非實。以相分色爲見分所緣緣有實體故。豈同鬼角非實。又應下復以種子義破。謂若二分是偏計性。偏計虛妄不熏成種。旣無前種後亦不生。故云後識等生應無二分。又習氣種是相分攝。豈如鬼角非有之法能作因緣。若緣下以

安慧執唯自證分是依他起非相見分故此破云
謂相見分必以自證爲因生能依相見既非依他
所依自證亦非依他故云無異因故由斯下結顯
依他起正義○二釋第五句竟下三釋第六句
頌言分別緣所生者應知且說染分依他淨分依他
亦圓成故或諸染淨心心所法皆名分別能緣慮故
是則一切染淨依他皆是此中依他起攝

謂頌中言分別緣所生者唯染分依他起法淨分
依他亦圓成實無分別故或諸下又作一解謂染
淨等心心所法皆名分別以能緣慮故皆攝在此

依他起中○三釋第六句竟下四釋第七八句

二空所顯圓滿成就諸法實性名圓成實顯此偏常
體非虛謬簡自共相虛空我等無漏有爲離倒空竟
勝用周徧亦得此名然今頌中說初非後此卽於彼
依他起上常遠離前偏計所執二空所顯真如爲性
說於彼言顯圓成實與依他起不卽不離常遠離
顯妄所執能所取性理恒非有前言義顯不空依他
性顯二空非圓成實真如離有離無性故
二空下標名顯此下釋義自相諸法各別體也共
相同是無常性也虛空我等妄所執也依他妄計

皆非圓成。故俱簡之無漏有爲者涅槃菩提二種果也。故云離倒究竟勝用周備亦得圓成實名說初非後者初約理說卽二空等後約果說卽無漏等今頌中說圓成實者是約理說非談果故此卽下此字卽圓成總釋頌中圓成實於彼常遠離前性義說於下別釋於彼二字以畢第七句頌義常遠離下釋第八句作二節別釋一常遠離言顯離徧計一前言顯離依他三性言顯圓成實故言離有者卽離依他離無者卽離徧計以顯性字是圓成實體○四釋第七八句竟下五釋後四句

由前理故此圓成實與彼依他起非異非不異異應真如非彼實性不異此性應是無常彼此俱應淨非淨境則本後智用應無別云何二性非異非一如彼無常無我等法無常等性與行等法異應彼法非無常等不異此應非彼共相由斯喻顯此圓成實與彼依他非一非異法與法性理必應然勝義世俗相待有故

由則下略總釋一句頌意異應真如下辯非異非不異義真如卽圓成彼卽依他起若異者應圓成實非是依他起之實性以依他起必圓成爲性若

不異。卽應是同圓成同依他圓成應是無常。以依他起無常義故。依他反上彼此下難境智不別。謂依他是不淨境後得智所緣圓成是淨境根本智所緣。若不異者俱應無別云何二性非異非一者。問也。非一卽非不異也。謂此依他圓成二性云何非異又非不異如彼下舉喻答如諸聖教說彼色心有爲行法皆是無常苦空無我之法。以色心法各別有體是爲自相。同屬無常等是爲共相。若無常等性與行等法異應彼行法非無常等。以行等法無常性故。若不異者此無常性應是彼行法之不離云相待有故理必應然。

自相不應是共相而言共者無常自無常行法自行法方顯共義豈得不異耶由斯下以喻合法結顯九十一三句頌義法卽諸法喻依他起名世俗諦性卽無常等喻圓成實名勝義諦二俱不卽不離云相待有故理必應然。

非不證見此圓成實而能見彼依他起性未達偏計所執性空不如實知依他有故無分別智證真如已後得智中方能了達依他起性如幻事等雖無始來心心所法已能緣自相見分等而我法執恒俱行故不如實知衆緣所引自心心所虛妄變現猶如幻事

陽陰夢境鏡像光影。谷嚮水月變化所成非有似有。依如是義故有頌言非不見真如而能了諸行皆如幻事等雖有而非真。

非不下略標頌義此卽圓成徧計彼卽依他圓成徧計共是依他起所顯無分別下釋上非不證見下二句無分別智卽根本智得證真如圓成實已方起後得了依他起如幻事等若不證真於依他起妄執爲實問從無始來心心所法緣相見等已能了達何待後得智方能了耶荅中釋上未達徧計下二句謂心心所從無始來雖緣相見分等而

我法執恒俱行故故不能知自心心所虛妄變現如幻事等非有似有猶如下以八種喻喻虛妄不實此中八喻各別之義清涼疏中詳明文繁不引依如是下引證上義初一句引證前頌非不見此四字之義後三句引證頌中彼字以前頌中所言彼字卽指依他諸行法故○五釋後四句竟通上一正釋頌意竟下二結明三性

此中意說三種自性皆不遠離心心所法謂心心所及所變現衆緣生故如幻事等非有似有詭惑愚夫一切皆名依他起性愚夫於此橫執我法有無一異

俱不俱等。如空華等性相都無。一切皆名徧計所執。依他起上。彼所妄執我法俱空。此空所顯識等真性。名圓成實。是故此三不離心等。

此中下標舉三性皆不離心。謂心心所下釋。依他起從心變故。愚夫下釋徧計性亦不離心。以彼亦從自心法上妄所執故。依他下釋圓成實亦不離心。以圓成實卽心心所真實性故。故總結云。如是此三不離心等。○二結明三性竟。下三分屬諸門。有十四章。

虛空擇滅非擇滅等。何性攝耶。三皆容攝。心等變似

虛空等相隨心生故。依他起攝。愚夫於中妄執實有。此卽徧計所執性攝。若於真如假施設有虛空等義。圓成實攝。有漏心等定屬依他。無漏心等容二性攝。衆緣生故攝屬依他無顛倒故圓成實攝。

一無爲門虛空下問也。三皆容攝者各也。心等下釋成謂從心生顯是依他。若執實有卽徧計性。唯假施設是圓成實有漏下第二漏無漏門。謂漏無漏唯通二性。依他起性通漏無漏圓成實性唯無漏攝。何非徧計。要起妄執方有彼故。如是三性與七真如云何相攝。七真如者。一流轉真。

如謂有爲法流轉實性。二實相真如謂二無我所顯實性。三唯識真如謂染淨法唯識實性。四安立真如謂苦實性。五邪行真如謂集實性。六清淨真如謂滅實性。七正行真如謂道實性。此七實性圓成實攝。根本後得二智境故隨相攝者流轉苦集三前二性攝妄執雜染故餘四皆是圓成實攝。三性六法相攝云何彼六法中皆具三性色受想行識及無爲皆有妄執緣生理故。

三七真如門如是下問也。荅中先明七種真如名。此七種名卽真如相。七種實性卽真如體。言安立

者卽蘊處界以能安立諸有情故名爲苦諦。又邪行者卽業煩惱以有漏故名爲集諦。餘義如文。此七下荅上相攝義謂七種性是真如體故皆容與圓成實攝。二三六七根本智攝。一四及五後得智攝七種相共攝三性流轉安立及邪行二徧計依他二性所攝俱有妄執雜染故實相唯識清淨正行四皆容與圓成實攝第四六法門二性下問也。荅中謂五蘊無爲名爲六法皆具三性妄執卽徧計緣生卽依他理卽圓成故。

三性五事相攝云何諸聖教說相攝不定謂或有處

說依他起攝彼相名分別正智圓成實性攝彼真如
偏計所執不攝五事。彼說有漏心心所法變似所詮
說名爲相似能詮現施設爲名能變心等立爲分別
無漏心等離戲論故但總名正智不說能所詮四從
緣生皆依他攝。

五五事門三性下問也。相名分別真如正智名爲
五事瑜伽云若欲了知真實義者當先了知略有
五事一相二名三分別四真如五正智何等爲相。
謂若略說所有言談安足處事何等爲名謂卽於
相所有增語何等爲分別謂三界行中所有心心

所何等爲真如謂法無我所顯聖智所行非一切
言談安足處事何等正智謂略有三種一分別所
攝智名世間智二根本所攝智名出世間智三後
得所攝智名世出世間智諸聖教說相攝不定者
答也文中別釋相攝不定義謂或下論王引教謂
依他起攝相名分別正智四種圓成實性攝一真
如偏計不攝瑜伽云初自性五法中幾所攝答都
非所攝第二自性幾所攝答四所攝第三自性幾
所攝答一所攝彼此相順引而證之彼說下論王
釋教中意言有漏者染依他也故說所詮是相能

詮卽名能變之心名爲分別言無漏者淨依他也。故說正智離戲論故不攝能所。四事從緣生皆依他起攝。不釋第五義顯現故。偏計不攝非妄執故。或復有處說依他起攝相分別。偏計所執唯攝彼名。正智真如圓成實攝。彼說有漏心及心所相分名相。餘名分別偏計所執都無體故爲顯非有假說爲名。二無倒故圓成實攝。

第二引教依他起攝相及分別相見分故。偏計攝名妄有名故。正智真如攝圓成實無顛倒故。彼說下論主釋教中意如次應知。

或有處說依他起性唯攝分別偏計所執攝彼相名。正智真如圓成實攝。彼說有漏心及心所相見分等。總名分別虛妄分別爲自性故。偏計所執能詮所詮隨情立爲名相。一事。

第三引教三性攝五事。如文。彼說下論主釋謂教中說相見三分總名分別故說分別爲依他起妄執相名爲能所詮故攝偏計餘義顯現論主不釋。復有處說名屬依他起性。義屬偏計所執。彼說有漏心心所法相見分等。由名勢力成所偏計故說爲名。偏計所執隨名橫計體實非有。假立義名。

第四引教名卽依他之名是所執之境。依相見分等立故屬依他義卽偏計之義。是能執之心妄有分別故屬偏計。彼說下論主釋謂有漏位心心所法相見分等立依他名由名勢力引能計心起計度故成所偏計。故說此名屬依他起偏計之心隨依他名橫計度故則名上之義體實非有故說此義屬偏計執此順初義不許五事偏計所攝偏計雖執名而名自屬依他唯名中義是所妄執餘不言者同前義故。

諸聖教中所說五事文雖有異而義無違然初所說

不相雜亂如瑜伽論廣說應知。

總結教義皆不相違然初所說者卽一往所談之意不相雜亂者釋無違也。

又聖教中說有五相與此三性相攝云何所詮能詮各具三性謂妄所計屬初性攝相名分別隨其所應所詮能詮屬依他起真如正智隨其所應所詮能詮屬圓成實後得變似能詮相故二相屬相唯初性攝妄執義名定相屬故被執著相唯依他起虛妄分別爲自性故不執著相唯圓成實無漏智等爲自性故六五相門又聖下問也顯揚論云復次如前所說

有五種相謂能詮相所詮相此二相屬相執著相
不執著相又有三相謂徧計所執相依他起相圓
成實相爲五攝三爲三攝五耶頌曰依三相應知
建立五種相彼此如其所應別別有五業當知依三
自相建立五相所以者何初及第二依三自相第
三依徧計所執相第四依依他起相第五依圓成
實相所詮能詮下論王答前二相各具三性義所
詮下總答謂妄下別釋所詮能詮是五事章中義
故前章云心心所法變似所詮說名爲相似能詮
現施設爲名能變心等立爲分別今說妄計屬初
性下二配釋如次應知

又聖教中說四真實與此三性相攝云何世間道理
所成真實依他起攝三事攝故二障淨智所行真實
圓成實攝二事攝故辯中邊論說初真實唯初性攝

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 10

共所執故第二真實通屬三性理通執無執雜染清淨故後二真實唯屬第三。

七四真實門世間真實者謂世俗名言熏習所成境如金非木木非水等是真實義道理真實者謂諸正智比量推度所知境如瓶等無常實非是常空等是常實非無常是道理真實義煩惱障盡智所行真實者謂諸聲聞獨覺所行境如彼歷觀四諦境時入人空觀不起我執智得清淨境非虛妄是無漏智所行真實義所知障盡智所行真實者謂諸菩薩諸薄伽梵所行之境如彼正智觀真如

時已入法空最極清淨智與真如真實平等是一切智所行真實義顯揚第六廣明此義世間道理下以四真實攝二種性謂前二真實依他起攝於五事中相名分別三事攝故後二真實圓成實攝於五事中正智真如一事攝故辯中下復引他論相攝別義謂世間真實唯攝偏計是諸有情共所執故道理真實三性通攝有執攝偏計雜染攝依他無執清淨圓成實攝煩惱所知二障盡智唯屬圓成。

三性四諦相攝云何四中一二皆具三性且苦諦中

無常等四各有三性。無常三者。一無性無常。性常無故。二起盡無常有生滅故。三垢淨無常位轉變故。若有三者。一所取苦我法。二執所依取故。三事相苦。三苦相故。三和合苦。苦和合故。空有三者。一無性空性非有故。二異性空。與妄所執自性異故。三自性空。二空所顯爲自性故。無我三者。一無相無我。我相無故。二異相無我。與妄所執我相異故。三自相無我。無我所顯爲自相故。

八四諦門。問答以明三性通攝四諦義也。且苦下別標苦諦有無常等四各通三性。無常三者下。一

無性者。性本無故。屬初偏計。二起盡者。盡即是滅法。有起滅屬依他起。三垢淨者。垢染既淨。即圓成實。下文三性俱如次配苦。有三者下。一所取苦者妄執我法。故名偏計。一言三苦者。生苦。苦苦壞苦。爲三卽蘊處界。或生老死。故屬依他。三和合苦者。三苦和合。三相俱泯。屬圓成實空有三者下。性非有者。偏計無體。故與妄所執自性異者。依他如幻。偏計本無故說有異。二空所顯者。卽妄明真故。二空三性如次配釋。無我二者下。三種無我與此三性如次配釋。釋苦諦竟。

集諦三者一習氣集謂偏計所執自性執習氣執彼
習氣假立彼名二等起集謂業煩惱三未離繫集謂
未離障真如滅諦三者一自性滅自性不生故二二
取滅謂擇滅三取不生故三本性滅謂真如故道諦
三者一偏知道能知偏計所執故一永斷道能斷依
他起故三作證道能證圓成實故然偏知道亦通後
二七三三性如次配釋今於此中所配三性或假或
實如理應知

集諦三者上言習氣者謂偏計性執習氣種立習
氣名言等起者謂業煩惱依他心等有起滅故言

未離繫者圓成真如同界繫故滅諦三相俱屬圓
成但於所滅通餘二性自性不生者偏計自性永
不生故二取不生者見相二取依他性故滅即真
如故名本性道諦三者下如次配釋三性偏知道
中亦通後二者二性俱通故永斷偏知道依他作
證偏知通圓成言七三者苦諦有四三集滅道有
三三故有七三於三性中如次配釋

三解脫門所行境界與此三性相攝云何理實皆通
隨相各一空無願相如次應知緣此復生三無生忍
一本性無生忍二自然無生忍三惑苦無生忍如次

此三事是彼境故。

第九解脫門。三解脫門者謂空解脫門無願解脫門無相解脫門。今舉問答以明攝義謂若據理三解脫門皆通三性故於三性皆攝三門。若隨相攝各通一種謂此三性能縛有情聖智治之得三解脫由偏計執有以空治之而得解脫依他色心是諸欲本以無願治之而得解脫圓成實體真實有故以無相治之而得解脫若執圓成真實有者亦是法執故亦治之緣此下第十三忍門謂緣三性復生三忍三無生者三性之境不生也三境不生忍。

得證三智故名三忍由觀偏計自性本空名本性無生忍依他從緣不同外執自然生故名自然無生忍。惑卽偏計苦卽依他圓成離彼名惑苦無生忍。

此三云何攝彼二諦應知世俗具此三種勝義唯是圓成實性世俗有三。一假世俗二行世俗三顯了世俗如次應知卽此三性勝義有三。一義勝義謂真如勝之義故二得勝義謂涅槃勝卽義故二行勝義謂聖道勝爲義故無變無倒隨其所應故皆攝在圓成實性如是三性何智所行偏計所執都非智所行以

無自性非所緣緣故。愚夫執有聖者達無亦得說爲凡聖智境依他起性二智所行圓成實性唯聖智境十二二諦門問答以明三性攝真俗二諦也應知下總標俗諦通三真諦唯一世俗下釋世俗三種如次攝三性勝義下釋成勝義亦有三種總攝圓成義勝義者勝義中勝義諦也故曰真如勝之義故者勝卽真如爲所依義卽勝義爲能依能所依彰依主釋也得勝義者謂義體上能持所得圓滿寂滅之業用故曰涅槃勝卽義故者勝卽涅槃義卽是體體持業用持業釋也三行勝義亦名持業

釋十二二智門問云如是三性何智所行答中二義釋徧計初義都非智行次義亦通二智謂愚執徧計實有聖者通達本無餘義如文

此三性中幾假幾實徧計所執妄安立故可說爲假無體相故非假非實依他起性有實有假聚集相續分位性故說爲假有心心所色從緣生故說爲實有若無實法假法亦無假依實因而施設故圓成實性唯是實有不依他緣而施設故此三爲異爲不異耶應說俱非無別體故妄執緣起真義別故

十三假實門此三下問也答中先釋徧計亦可假

說亦非假實。次釋依他有假有實。聚集如瓶盆。相續如三世分位。卽不相應行。故說爲假。色心之法既從緣生。對假說實。若無下通釋前二徧計。無實故亦無假。依他實有復立假名。圓成下釋圓成實。唯是實義。十四異不異門。應說俱非者。非異非不異也。無別體。故釋非異真如門也。妄執卽徧計緣起。卽依他真義。卽圓成三種別。故釋非不異生滅門也。

如是三性義類無邊。恐厭繁文。略示綱要。總結三性諸門相攝。若依瑜伽義類無邊。此中略

示綱要。○三分屬諸門竟。通上四經說三性竟。

成唯識論俗註卷第八終



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

詠

如制端偏朴金卷策人殊

如是三才類無邊是風繁文略示綱要

示圖要○三才圖門章賦上四疊錯三卦

80 1 2 3 4 5 6 7 8 9 100 1 2 3 4 5 6 7 8 9

十六